



Dawat-e-Islami ki deeni Khidamat mayn musalsal  
Jedojehad ky 41 saal mukamal hony par khososi risala

# Faizan-e- **DAWAT-e-ISLAMI**



Payshkar:  
Islamic Research Centre  
Al-Madina-tul-'Ilmiyyah

Composing:  
Translation Department (Dawat-e-Islami)

## Youm-e-Da'wat-e-Islami 2 September 2022

**Shaykh-e-Tareeqat, Ameer-e-Ahl-e-Sunnat Hazrat  
‘Allama Muhammad Ilyas ‘Attar Qadiri**

نَحْمَدُهُ وَنُصَلِّی وَنُسَلِّمُ عَلَی رَسُولِہِ الَّتِی اکرِیمٰ

Allah Pak aur us kay Piyaray Habeeb ﷺ kay Fazl-o-Karam say 2 September 2022 “Da’wat-e-Islami” ko banay huway 41 saal ho jayen gay, ﴿شَاءَ اللَّهُ﴾ Da’wat-e-Islami ka aaghaz september 1981 mayn karachi say huwa. Allah kareem kay fazl-o-karam say Da’wat-e-Islami nay kam-o-baysh 41 saal kay safar mayn **siyasat, ahtijaaji rayliyon, dharnon aur hartaal** waghayrah say door reh kar musbat (Positive) andaaz mayn deen ka wo kaam kiya hay keh jis ki misaal milni mushkil hay. Karachi say shuru’ honay waali Da’wat-e-Islami daykhtay hi daykhtay na sirf Pakistan balkeh dunya bhar mayn ja pohnchi aur aaj (Yani 2022 mayn) Da’wat-e-Islami ka deeni kaam 80 say za’id shu’bon mayn pahyl chuka hay. Da’wat-e-Islami ab tak hazaron Masajid, saykron Faizan-e-Madinah (Madani marakiz) bana chuki hay. Boys & Girls ko alag alag Ta’leem-e-Qur’aan daynay kay liye ab tak taqreeban 5946 (yani 2022 mayn) Madarsa-tul-Madinah qa’im ho chukay hayn, jin mayn taqreeban, 2,62,112 (2 laakh 62 hazaar 112) bachon aur bachiyon ko Qur’aan Kareem Hifz-o-Nazrah ki muft ta’leem di ja rahi hay. Na beena bachon kay liye bhi alag

say Madarsa-tul-Madinah qa'im hayn aaghaas say ab tak taqreeban 4,39,940 (4 laakh 39 hazaar 940) nay nazrah aur Hifz-e-Qur'aan mukammal kiya. Firoogh-e-'Ilm-e-deen ('Aalim-o-'Aalimah course karwaanay) kay liye alag alag Jami'a-tul-Madinah (Boys, girls) qa'im ho chukay hayn. Ab tak taqreeban 1247 (1 hazaar 247) Jami'a-tul-Madinah (Boys, Girls) qa'im ho chukay hayn, jin mayn taqreeban 96,921 (96 hazaar 921) talba-o-taalibaat ko dars-e-nizaami ('Aalim-o-'Aalimah course, faizan-e-shari'at course) muft karwaaya ja raha hay. Ab tak taqreeban 16,117 (16 hazaar 117) 'Aalim-o-'Aalimah course, Faizan-e-Shari'at course mukammal kar chukay hayn lakhon Hafiz, Qari, Imam, Muballigh-o-Mu'allim, 'Aalim-o-Mufti tayyar karnay kay saath saath islah-e-Ummat aur kirdaar saazi ka kaam jaari hay. Laakho laakh 'Ashiq-e-Rasool (islaami bhai aur Islaami behnayn) is Madani Maqsad "**mujhay apni aur saari dunya kay logon ki islah ki koshish karni hay**" kay husool ki koshish mayn lagay huway hayn. Mu'tadid darul ifta` Ahl-e-Sunnat qa'im ho chukay hayn, jahan muftiyaan-e-Qur'aan ummat ki shar'ee rehnuma`ee karnay mayn masroof-e-'amal hayn. Al-Madinah-tul-'ilmiyyah (Islaami research Center) mayn mukhtalif mozu'aat par bay shumaar deeni kitaabayn chaapi jaa chuki hayn. Faizan Online Academy (Boys, Girls) qa'im hay jis kay zari'ay Online 'Aalim course, Qur'aan-e-Pak (Hifz-Naazrah) Parhaya jaata hay, 30 say za'id Online courses kay zari'ay 77 mumalik (countries) mayn logon ko ghar baythay 'Ilm-e-deen ki roshni pohchai ja rahi hay. English Medium Islamic

Schooling System ba-naam “Darul Madinah” kay zari’ay hazaron bachay aur bachiyan deeni-o-Dunyawi ‘uloom hasil kar rahay hayn. “Madani chennal” kay zari’ay 6 bari setlights par Urdu, English aur baglah zabanon mayn deen ki khoob khidmat ki jaa rahi hay. Shu’bah FGRF kay zari’ay falahi-o-samaji khidmaat ka silsila bhi jaari hay aur piyaray Aqa صلی اللہ علیہ وسالم ki dukhyari ummat kay 26 lakh say za’id gharanon ki mukhtalif mushkil auqaat mayn na sirf mdad ki ga’i balkay in halaat mayn bilkhusoos (Thalassemia) aur bil-‘umoom digar marizon kay liye khon ki botlen (Blood bags) jama’ karnay ka aysa kaarnamah anjaam diya gaya jis ki misaal nahin milti. Tadam-e-tahreer khon ki taqreeban 53 hazaar say za’id botlayn di jaa chuki hayn. Aa’iye! Ham sab mil kar naiki ki Dawat ‘aam karnay kay is ‘azeem kaam mayn Da’wat-e-Islami kay saath mil kar Allah-o-Rasool ko khush kar kay jannat kay haqdaar banayn.

*Allah Karam aysa karay tujh peh jahan mayn*

*Ay Da’wat-e-Islami tayri dhoom machi ho*

### Baani-e-Da’wat-e-Islami aur Da’wat-e-Islami

Kaamyaab leader ki ayk quality yeh bhi hay keh wo jin kaamon ka taqaza ya tawaqqu’ apnay payro kaaron say karta hay, khud bhi in mayn shamil ho ya karnay ka hoslah rakhta ho. Is say followers ki hoslah afza’i hoti hay, kaam karnay ka jazbah barhta hay, in ka apnay leaders say ta’lluq mazeed mazboot hota hay aur wo is ki aankh kay isharay par chalna shurru’ ho

jaatay hayn. Hamaray zamanay mayn International deeni leader baani-e-Da'wat-e-Islami, Ameer-e-Ahl-e-Sunnat Moulana Ilyas Attar Qadri دامت برکاتہریۃ العالیۃ ki bahut saari khubiyon mayn say yeh khoubi bhi numaya hay keh Aap nay Da'wat-e-Islami mayn shamil apnay chahnay waalon ko shayad hi ko'ee aysa kaam karnay ki targheeb di ho jis mayn Aap khud direct ya indirect shamil na hon, maslan aap nay. Madani Qaflon mayn safr kiye. 'Ilaqa'ee dorah bara'ay naiki ki dawat mayn shirkat ki. Dars-e-Faizan-e-Sunnat diya. Haftawaar ijtim'a mayn shareek huway aur bayanaat bhi kiye. Funding ('Atiyaat jama' karnay) ki koshishon mayn apna bahut bara hissah milaya kaseer deeni kitabon ka mutaal'a kiya. Zabaan, Aankh aur payt ka qufl-e-Madinah lagaya. Youm-e-Qufl-e-Madinah manaya. Infiradi koshish kay zari'ay bhi nayk kaamon ki targheeb di. Libaas, 'Imamay, Miswaak, khaanay peenay, chalnay phirnay, baytnay, baat cheet karnay wagherah ki sunnaton aur aadaab par 'amal kiya. Dukhyaron say ta'ziyat-o-'iyadat ki, in kay liye du'ayn kin aur musalmaanon kay khushi ghami kay mawaqay' mayn shareek huway. Aap دامت برکاتہریۃ العالیۃ khud farmatay hayn: targheeb kay liye sarapa targheeb ban-na parta hay.

Ay 'Ashiqaan-e-Rasool! Baaghban<sup>u</sup> ko apna gulistan<sup>u</sup> buhat 'azeez hota hay, wo is kay podon<sup>u</sup> ki shakhon<sup>u</sup> aur patton<sup>u</sup> tak ki hifazat apnay bachchon ki tarah karta hay, isi tarah Da'wat-e-Islami bani-e-Da'wat-e-Islami ka ayk tarah say gulshan hay, Aaj ki is baagh-o-bahaar kay peechay markazi kirdaar bani-e-

Da'wat-e-Islami Hazrat 'Allamah Muhammad Ilyas 'Attar Qadri دامت برگائه العالیة ka hay, Aap ka background kisi peer khanay, darul ifta` ya madarsay say jura huwa nahin balkeh aap kay walid haji Abdul Rehman Qadri (marhoom) shariyat par 'amal karnay waalay sadah say insaan thay aur malaazmat kar kay apni family ki kafalat kartay thay, is kay bawajood Ameer-e-Ahl-e-Sunnat دامت برگائه العالیة nay nayki ki dawat 'aam karnay kay jazbay say deen-e-Islaam ki itnay baray paymanay par khidmat ki jo apni misaal aap hayn. Mayn kehna yeh chahta hun keh Ameer-e-Ahl-e-Sunnat ko Da'wat-e-Islami ki tehreek bani bana`ee, saji sanwri nahin mili balkeh Aap nay 'Ulma`-e-kiraam aur muballigheen-e-Da'wat-e-Islami kay ta'wun say Da'wat-e-Islami ko parwaan charhanay kay liye apni zindagi kay kam-o-baysh 41 saal day diye, buhat mehnat ki, apnay aaraam ko musalmaan kay fa`iday kay liye qurban kiya magar thakay nahin, rukawatayn aa`in laykin mayoos nahin huway, bhook bardaasht ki, neend qurbaan ki, kam sahulaton kay saath safr ki kulfat bardaasht ki, mu`awneen ki khidmaat ka ay'tiraaf! Magar in kay ta'wwun ko Samra bar karnay wali zaat bani-e-Da'wat-e-Islami ki thi.

Hamaray mu'ashray mayn buhut say log milenge jo apni maharaton ko apni zaat tak mehdod rakhtay hayn wo kaam Kisi aur ko nahi sikhate inhen ye khadsha (Apprehension) satata rehta hay Kay ye shakhs kaam ko sawarnay Kay bajaye bigarday ga is say acha hay kay mayn khud hi ye kaam karlon Yun wo khud bhi ziyada kaam Nahin kar paatay Kay ayk shakhs akhir Kya Kya kaam karay ga phir inki bimari ya dunya

say rukhsat honay ki surat hojati hay halan-keh kisi ko sikhay Kay liye ayk ghanta kharch Kiya jaye to hamaray kahin 100 ghatay Bach saktay hayn, aur hamaray baad bhi wo kaam jari rehta hay **الْحَمْدُ لِلّٰهِ** bani Da'wat-e-Islami Ameer-e-Ahl-e-Sunnat **دَائِشَ بِرَحْمَةِ الْعَالِيَّةِ** nay 41 Saal kay safr mayn taqseem Qari Kay usool par Amal Kiya aur kaam ko apni zaat Kay gird jama nahi Kiya balkeh jis deeni kaam Kay Liye jo jo qabil Islami Bhai milta gaya isay zimedari detay chalay gaye aur wo waqt aya Kay zimedaraan-e-Da'wat-e-Islami ka Pura circle ban gaya mukhtalif Department banay yahan tak kay Da'wat-e-Islami ki markazi majlis-e-shura (central executive committee ) bani. yun aap nay Da'wat-e-Islami ka Pura intezam markazi majlis shura Kay hawalay kardiya jo kam-o-baysh 22 Saal say bani-e-Da'wat-e-Islami Kay zayr-e-Saayah Da'wat-e-Islami Kay deeni kamon ko lead kar rahi hay. Itna kaseer deeni kaam karnay Kay baad aap ki aajzi ka andaza hota hay Kay menay Kuch bhi Nahin kiya abhi buhut kuch Karna hay aysa nahin hay is system ko bananay fa'aal karnay Kay baad bani-e-Da'wat-e-Islami khud aram say retirement ki Zindagi guzaar rahay hon balkeh aap ki daily weekly monthly salana musrufiyat aysi hayn Jin ki tafseel Jan kar aqal hayraan reh jayegi ap hafiz-e-Millat Molana Abdul Aziz Mubarakpuri **حَمْدَةُ اللّٰهِ عَلَيْهِ** kay Is qoul ka masdaaq likhtay hayn Zameen Kay uper kaam Zameen Kay andar (Yani qabar mayn aram) Ameer-e-Ahl-e-Sunnat **دَائِشَ بِرَحْمَةِ الْعَالِيَّةِ** ajj bhi Da'wat-e-Islami Kay deeni kaam infaradi ay'tibaar say Kisi dosray muballig say

Faizan-e-Da'wat-e-Islami

ziadah kar rahay hayn yahan mayn Sirf un kamon ka zikar  
karonga Jin mayn ap zaati toor par shamil hotay hayn.

**Madani Muzakrah** Da'wat-e-Islami ka buhut Dil chasp aur Maqbol aam hafta waarr deeni kaam hay aur Madani Chennal par live show nashar hota hay is kay rooh-e-rawan Ameer-e-Ahl-e-Sunnat دافتہ برکاتوں کی کتاب hayn ayk report Kay mutabiq Ameer-e-Ahl-e-Sunnat 31 July 2022 tak taqriban 2068 Madani Muzakron mayn hazaron suwalaat Kay jawabaat day chukay hayn Kisi Madani Muzakray mayn 2 ghatay shirkat ki to Kisi mayn 4 aur Kisi mayn 8 ghatay bhi shamil rahay average nikali jaye to 5000 say Zaid ghatay bantay hayn. Pehlay pehayl Ka'i Saal tak Madani Muzakray “**Malfuzaat-e-Attar**” Kay Naam say bhi hotay rahay in mayn diya gaya waqt is say alaydah hay waysay to har haftay ki Raat Madani Muzakray ka schedule hay lekin khas mawaqay’ par rozana bhi Madani Muzakray hotay hayn jesay 1 say 11 Muharram-ul-Haraam, 1 ta 13 Rabi’-ul-Awwal, 1 ta 12 Rabi’-ul-Aakhir, 1 ta 6 Rajab-ul-Murajjab, 1 ta 30 Ramzaan-ul-Mubarak rozaana 2 Madani Muzakray, 1 ta 10 Zul-Hijjah-tul-Haraam, 14 August in Kay illawa Buzurgaan-e-Deen kay ‘urs ya yoom-e-wiladat Kay mawaqay’ par bhi Madani Muzakray ka silsila hota hay. Qari‘een ko Mayra mashwarah hay kay aap bhi Madani Muzakray mayn shirkat karayn aur ilm-e-deen Kay motiyon aur hikmat Kay phulon ko jama kar kay apni Zindagi ko mehka’ayn.

**Bayanat** Allah Kareem nay apnay piyaray Habeeb ﷺ Kay is ‘Aashiq-e-sadiq ki zabaan mayn wo taseer ata farmai hay Keh in ki guftugu aur bayanaat ko sun kar lakhon lakh no-Jawan aur bourhay tooba kar kay naykiyan kamana shuru hogaye asay logon nay tooba ki jinhayn baap ki latayn aur jail ki sulakhen naa sudhaar Sakin. aap nay Zindagi ka pehla bayan Chnd afrad Kay samnay Kiya phir Bhartay bhartay yeh waqt bhi Aya Kay aap nay lakhon Kay majmay’ mayn bhi bayanaat kiye jab aap ka bayan hota to sakoot sa Cha jaata aur Sa’adat mand tawajja Kay sath aap ka bayan suntay aap kay bayanat kay fiyozaat ko ‘aam karnay kay Liye pehlay pahyl audio kaysit ka zari’ah apnaya gaya, jab logon kay kanon tak is kaysit ki awaz pouhnchi to wo aap kay andaz-e-bayan Kay khulus Kay sahr mayn aysay giraftaar Ho`ay Kay phir rihai Paanay Kay Liye tayyar na Howay aap ko Islami bhaiyon baa-shamol zimedaron ki ayk bari tadtat milegi jo ye kaysit bayanat sunkar Da'wat-e-Islami say wabasta hoi hogi yeh Muzmon likhnay Wala khud bhi “**Qabar ki pehli Raat**” ka kaysit bayan sunkr Da'wat-e-Islami say baa qa`idah wabasta huwa tha. In kaysit bayanat ko Islami bhaiyon nay infiradi toor par bhi suna aur kaysit ijtima mayn ikhattay bayth kar bhi suna. Ameer-e-Ahl-e-Sunnat kay mukhtalif mozu’aat par bayanat Kay 911 say za`id kaysit jaari Howay. Is Kay baad video bayanaat ka silsila shuru howa phir Madani Chennal ka aaghaz howa, ajj bhi ap waqtan fawaqtan Da'wat-e-Islami Kay hafta war ijtima wagherah mayn khususi bayan farmatay haynjisay Madani Chennal Kay zariye duniya mayn nashar Kiya jaata hay.

**Kutb-o-Rasa` il** Ameer-e-Ahl-e-Sunnat nay 25 safar-ul-Muzaffar 1393 mutabiq 31 march 1973 ko apnay ideal Syedi Aala Hazrat ﷺ ki seerat par pehla risala “**Tazkirah Imam Ahmed Raza**” likha phir tahreer ka safar aysa shuru huwa Keh ajaj tak jaari hay **الْحَمْدُ لِلّٰهِ** is doran **Faizan-e-Sunnat** jaysi aalishaan kitaab likhi jo awam-o-khuwas mayn buhut maqbol hoi phir is mayn tarmeem-o- izafah hona shuru howa to Faizan-e-BismilAllah, Aadaab-e-ta'aam, Pait ka kufl-e-Madinah, Faizan-e-Ramazan, Gheebat ki tabah kariyan, Nayki ki da'wat, Faizan-e-Namaz jesi zakheem aur mustakil kitaben wajood mayn aga`in aap nay gunahon say door aur naikiyon Kay kareeb honay ki targheeb Par mushtamil risala likhnay Buzrugaan-e-Deen ki seerat par mushtamil mukhtasar risala bhi aap ki tahriri khidmaat ka hissa hay Deeni sha'iri ka ayk majmu'ah Wasa`il-e-Bakhshish aur dosra wasa`il-e-Firdous Kay Naam say manzar-e-'aam par Aaya ab tak shaya honay wali Kam-o-baysh 142 kitabon aur risalon Kay safhay taqreban 13371 bantay hayn. Tahreri maydaan say ta'lluq rakhnay walay jaantay hayn Kay tahreri kaam Kitna waqt leta hay kitni tawanai nichorta hay aur kaysi tawajjah Chahta hay! Aap ki tahriron Kay nikhaar aur mayaar ko daykh kar lagta hay Keh mu'llif siwa`ay tahreer Kay koi dusra kaam nahin karta hoga laykin Allah Pak Ameer-e-Ahl-e-Sunnat **دَائِشُ بَرْ كَانِفَهُ** **الْعَالِيَةُ** ko nazr-e-bad say bacha`ay tahriri kaam Kay illawah bhi aap apni khidmat mayn waqt daytay hayn.

**Payghamaat ‘Attar** Bimaaron ki ‘ayadat dukhiyaron ki ta’ziyat aur khushiyon Kay mawaqay’ par Mubarak-baad aur du’a‘ayn Dayna taweeel ‘arsay say aap ka ma’mool hay. Kaseer masrufiyaat Kay bawajood aaj bhi aap ka yeh Ma’mool bil-mushafah aur Audio Video paigamaat ki surat mayn jari hay, jis Kay Liye taqreeban rozana hi recording ka silsila hota hay ye paigamat kitni kasrat say jari hotay hayn Sirf 6 mahinay ki report dekhiye chunacha sh’ubah “**Payghamaat-e-‘Attar**” Kay zariye Sheikh-e-Tariqat Ameer-e-Ahl-e-Sunnat دامت برکاتہم العالیہ nay 6 mah (January 2022 ta June 2022) mayn taqreeban 12 hazaar 295 paigamaat jaari farma‘ay.

**Madani Chennal kay Program** Ameer-e-Ahl-e-Sunnat دامت برکاتہم العالیہ Madani Chennal Kay mukhtalif Program Kay Liye bhi waqt ‘ata farmatay hayn. Maslan COVID-19 Kay ayyaam mayn honay walay “**Dilon ki Rahat**” Kay Kam-o-baysh 54 silsilon mayn shirkat farmayi jab-keh silsila “**Mazi ki Yadayn**” mayn 7 silsilon mayn shareek Howay Eid-ul-fitr, Eid-ul-Azha Kay mawaqay’ par Transmission Kay sath Telephone Kay silsilon mayn bhi jalwah gar hotay hayn.

**Facebook Page** Ameer-e-Ahl-e-Sunnat دامت برکاتہم العالیہ Kay Facebook page par followers ki ta’dat taqreban 45 lakh hay.

Aap is kay liye Vlog bhi daytay hayn aur waqtan fawaqtan apnay facebook page [www.facebook.com/IlyasQadriZiae](https://www.facebook.com/IlyasQadriZiae) par live bhi hotay hayn.

**Falahi Kamon Mayn Hissah** Bani-e-Da'wat-e-Islami **FRGF**  
Kay tayhayt honay walay Falahi kamon mayn barah-e-raast  
(directly) aur bilwasitah (indirectly) bhi shamil hotay hayn aap  
nay jin Falahi kamon ki targheeb dilai in mayn say Chnd yeh  
hayn Thelisimia Kay mareezon Kay Liye khoon ka 'atiyah  
Karna, Corona waba mayn mulk-o-Bayron-e-mulk imdaad,  
Intiqaal karnay walon tajheez-o-Tadfeen shajar Kari, Barish,  
saylab, zalgala waghayra mayn malii o medical imdaad Khana  
taqseem aur dastarkhuwaan **FGRF** (Rehabilitation centre)  
Madani Clinic wagherah.

**Ahm Baat** Akhir mayn itna kehna chahonga: مَا حَرَثْتُ فِي شَأْنٍ بَلْ لِمَنْ عَاهَدْتُ  
Ya'ni jo Kuch maynay bani-e-Da'wat-e-Islami Kay baray  
mayn likha is say kam hay jo inki zaat mayn hay (Yani  
Allah pak mazeed barkaten farmayen) Ameen.

### Masajid ki Aabaad kaari mayn Da'wat-e-Islami ka kirdaar

Pyaray Aaqa Janaab Muhammad Mustafa ﷺ nay hijrat-e-Madinah Kay douran Islam ki jo sab say pehli masjid  
qa'im farmai isay masjid-e-Kuba Kay Naam say Jaana jata hay,  
masjid Kuba say shuru honay Wala yeh silsila Islam Kay  
phaylnay Kay sath barhta raha aur ﷺ aaj duniya Bhar  
mayn lakhon masajid mojud hayn khud Sultaan-e-do Jahan ﷺ  
aur Sahaba'-e-Kiram-o-Buzurgaan-e-deen nay  
ta'meer-e-Masjid mayn barh charh kar hissah Liya.

Buzurgaan-e-deen ki rosh par chaltay Howay ﷺ  
Aashiqan-e-masajid ki deeni tehreek Da'wat-e-Islami bhi  
apnay kayam say lay kar ab tak duniya Bhar mayn kaseer  
masajid ta'meer kar chuki hay qayaam-e-masajid ka yeh silsila  
jo Kay ta haal jaari hay اَنْ شَاءَ اللَّهُ ta kayamat jaari rahay ga

**Qayam-e-Masjid Kay Maqasid** Yaad rakhayn keh Masjid Sirf aur sirf namaz-e-panjana ki adaigi Kay Liye nahi balkeh aur bhi Ka'i deeni 'Amaal hayn jo muslimanon ko masjid mayn sir anjam day kar **masjid ki aabaad kaari mayn apna kirdaar ada karna chahiye**. Wo 'amaal ya'ni Qayaam-e-Masjid Kay maqasid kiya hayn? Namaz Kay illawah aur kon say umoor hayn jo masajid mayn sir anjaam diye jayn? Is silsilay mayn piyaray Aaqa ﷺ aur Sahaba-e-Karam ki janib say masjid-e-Nabwi mayn wuqu' pazeer honay wali sir garmiyan Muslim ummah kay liye Ideal hayn: Mu'allim-e-Ka'inaat ﷺ yahin Ashaab-e-Suffah ko ta'leem daytay jo Kay Islami tareekh ki pehli dars gah bhi hay. Masjid-e-Nabwi mayn 'ilmi mukaalmay huwa kartay. Muslimanon ki islaahi aur ta'meri sar-garmiyan yahin anjaam paatin. Sahaba'-e-Kiram Masjid-e-Nabwi mayn pyaray Aaqa ﷺ ki Shaan mayn ash'aar parha kartay. Is Kay illawa Islami riyasat Kay mukhtalif umoor bhi masjid-e-Nabwi mayn sar-anjaam diye jatay thay jin mayn 'adalati fayslay, Qaba'ili sardaraan ki aamad-o-raft, mu'ashrati masa'il ka hal, ghazwaat ki tayari, mal-e-ghanimat ki taqseem, mumlikat-e-Madinah Kay ahwaal Kay baray mayn mashawrat wagherah wagherah shamil hoti.

الْحَمْدُ لِلّٰهِ ru`ay zameen ko masajid say jag-maganay wali dawat - e-Islami in masajid ki aabaad kaari mayn bhi khoob kirdar ada kar Rahi hay Kay pyaray Aaqa nay irshad farmaya: ﷺ إِنَّ عَمَارَ بَيْتِ اللَّٰهِ أَهْمَّ مَا كُنْتُ تَرَى وَجَلَّ Ya`ni Allah Pak Kay gharon ko aabaad karnay walay Allah walay hayn<sup>1</sup> masajid ki aabaad kaari ki khaatir Da'wat-e-Islami ki taraf say jaari chand ayk kawishon ko is mazmon ka hissah bananay ki koshish ki ga`ee hay mulahzah kiji` ay!

**Dar-ul-Sunnah** Masjid ko 24 ghatay aabaad rakhnay Kay liyay Da'wat-e-Islami Kay tayhayt Madani markaz mayn Dar-ul-Sunnah qa'im hayn Jahan par 24 ghatay muballigheen-e- Da'wat-e-Islami majood hotay hayn jo Keh aanay walay Islami bhaiyon ko hasb-e-haal ahkam-o-fara`iz sikhaatay, mukhtalif courses karwatay aur madani qaflon mayn safar karwatay hayn.

**Madaris-ul-Madinah Balighaan** Jo log bachpan mayn Qur`aan Pak ki ta'leem ya durust ta'leem hasil nahi kar pa`ay zahir hay baray honay Kay ba'd in ka madarsay mayn dakhla layna ya in ko madarsay mayn dakhla milna ayk samjh na aanay waali baat hay. To aysay afrad ko Da'wat-e-Islami Madrasa-tul-Madinah Balighaan ki sahulat tuyassar kar Rahi hay, Madaris-ul-Madinah balighaan mayn ‘amoman masajid hi mayn lagtay hayn Jahan bari umr Kay afraad tajweed Kay sath Qur`aan Pak ki ta'leem hasil kartay hayn.

---

<sup>1</sup> *Mu'ajam Awsat, jild 2, safhah 58, Hadees 2502*

**Dars-o-Bayaan** Yun hi namaz-e-fajr Kay ba'd tafseer sun-nay sunanay ka halka lagaya jata hay jis mayn sadr-ul-Afazil Hazrat Allamah Syed Mufti Muhammad Na'eem-uddeen Muraad Aabadi رحمۃ اللہ علیہ ki tafseer **khaza` in-ul-Irfan** ya shaykh-ul-Hadees-o-tafseer **Siraat-ul-Jinaan** say dars-e-Qur'aan diya jata hay jabkeh ayk ya ayk say Zaid namazon Kay baad Faizan-e-Sunnat, Faizan-e-Namaz, Ghibat ki tabah-kariyan waghayrah Kisi kitab say dars diya jata hay.

**Bari Raaton Kay Ijtim'aat, ay'tiqqaaf-o-Ibadaat** Da'wat-e-Islami Kay tayhayt giyarwin, baarhiwin shab-e-barā'at aur shab-e-may'raaj waghayrah Kay moqay' par masajid mayn ijtim'aat qa'im hotay hayn jin mayn dars-o-bayaan Kay sath sath mukhtalif ibadaat ka silsila jaari rehta hay aur Raat Bhar naflay ay'tiqqaaf bhi kiye jatay hayn.

**Ijtim'aat** Da'wat-e-Islami Kay tayhayt mulk-o-Bayron-e-mulk har jumm'ay-raat ba'd namaz-e-maghrib (ba'az maqamat par baad namaz Isha) mukhtalif masajid mayn haftawaar sunnaton bhara ronak afroz ijtim'aat munaqqid Kiya jaata hay jis mayn muballigeen-e-Da'wat-e-Islami Kay bayaan sameet zikr-o-naat ijtim'a'ee D'u'a aur Raat Bhar ka naflay atiqqaaf bhi Kiya jata hay.

**Madni Muzakarah** Har haftay 'aalami madani markaz Faizan Madinah mayn ba'd namaz-e-Isha Madani muzakra mun'aqid kiya jaata hay jis mayn 'aashiqaan-e-Rasool aqa'id, ibadat aur mu'amaat mayn dar-paysh shar'ee masa'il ka hal Ameer-e-

Ahl-e-Sunnat Hazrat 'Allamah Muhammad Ilyas 'Attar Qadiri **دامت برگانہم العالیہ** say hasil kartay hayn neez haftawaar Madani Muzaakray kay 'illawah bhi makhsoos Events par madani muzakray ka silsila hota hay.

**Madani Qaaflay** Mulk-o-bayron-e-mulk logon tak Dawat-e-Islam aur 'ilm-e-deen pohnchanay kay Liye mukhtalif doraniye (maslan 3din/12 din 1mah 12 mah) par mushtamil Da'wat-e-Islami Kay madani qaaflay rah-e-Khuda mayn safar kartay rehtay hayn qaaflay Kay shuraka 'amoman masjid hi mayn qayam kartay hayn aur ta'leem-o-ta'allum Kay zariye masajid ki ronakayn bahaal rakhtay hayn dars-o-bayaan fara'iz-o-Sunnat ki ta'leem aur namaz Kay practice sameet degar ta'leemi tarbiyati sar-garmiyan madani qaflay ki zeenat hoti hayn.

**Madani Mashwaray** Da'wat-e-Islami kay tayhayt honay walay deeni kaam ko behtar say behtreen ki taraf lay janay Kay Liye zimedaraan mukhtalif moqa' par meetings kartay rehtay hayn yeh meetings bhi 'amoman masajid mayn mun'aqid hoti hayn Jin mayn deeni kaamon ka ja'izah zimedaraan kay mukhtalif sh'uba-jaat mayn tabaadlay-o-taraqqiyan, kaam ko mazeed ahsan andaz mayn chalanay Kay Liyay tajaweez aur mashawraton ka silsila hota hay.

**Mutafarriq 'Ilmi-o-Tarbiyati sar-garmiyan** Is kay illawah 'Aashiqan-e-Rasool masjid mayn mukhtalif nawafil maslan Ishraaq, Chasht, Tahiyah-tul-wuzu, Tahiyah-tul-Masjid, salaat-tul-tooba ada kartay hayn, mukhtalif maqamat par sehri

Faizan-e-Da'wat-e-Islami

Kay ijtimaat mun'aqqid kar kay masjid ki ronak-o-abaad-kaari ka Saamaan kartay hayn.

### **Awam-o-khawas ki shar` ee rayhnuma` ee Aur Da'wat-e-Islami**

**'Ilm waalon say puchو** Allah pak irshad farmaata hay:

فَسْأَلُوا أَهْلَ الْكِتَابَ مَا لَمْ يَعْلَمُوا ⑤

**Tarjuma` kunzul Emaan:** To Aay logo! 'ilm walon say poucho agar tumhayn 'ilm na ho  
(Parah 17, Surah Ambiyya`)

Is aayat mayn naa jan-nay walay ko jaan-nay waalay say pouchnay ka hukm diya gaya kyun-keh naa waqif kay Liye is Kay 'illawa aur koi Charah hi nahin kay wo waqif say daryaft karay aur jahalat kay marz ka 'illaj bhi yehi hay Keh 'aalim say suwaal karay aur is kay hukm par 'amal karay aur jo apnay is marz ka 'illaj nahin karta wo duniya-o-Aakhirat mayn bahut nuqsan uthata hay.<sup>1</sup>

**'Ilm ki Chaabi** Hazrat Syyiduna Ali-ul-Murtuza حَقَّةُ اللَّهِ تَعَالَى وَجْهُهُ الْكَرِيمُ say marwi hay: 'ilm khazanah hay aur suwaal is ki chaabi hay Allah Pak tum par rahm farma`ay suwaal kiya karo kiyun-keh suwaal karnay ki surat mayn chaar afrad ko sawab diya jata

---

<sup>1</sup> Siraat-ul-Jinaan jild 6, safhah 287

hay (1) suwaal karnay walay ko (2) Jawaab daynay walay ko (3) sun-nay walay ko (4) sunany walay ko muhabbat karnay walay ko.<sup>1</sup>

**Shar'ee Rehnuma' ee karnay ki fazilat** Hazrat Imam Malik رحمۃ اللہ علیہ nay Hazrat Rabi' رحمۃ اللہ علیہ ki ayk riwayat bayaan ki kay kisi shakhs ko namaz kay masa'il Batana ru'ay zameen ki tamam dawlat sadqa karnay say behtar hay aur Kisi ki deeni uljhan door kar dayna 100 hajj karnay say Afzal hay.<sup>2</sup>

**'Ulama ka Mansab** Shara'ee rehnuma'ee karnay ki bari ahmiyat-o-fazilat hay magar har ayk ko yeh mansab sambhal laynay ki ijazat nahin isiliye Ameer-e-Ahl-e-Sunnat Hazrat 'Allamah Muhammad Ilyas 'Attar Qadri دامت برکاتُهُ العالیة apnay murideen, muta'lliqeen aur muhibbeen ko is baat ki targheeb dilatay rehtay hayn kay har mu'amlay mayn 'Ulama'-e-Kiram say shar'ee rehnuma'ee layn, baghayr shar'ee rehnumai Kay ayk qadm bhi aagay naa barha'yn.

**Madani Muzakrah** مذکورہ مدنی Da'wat-e-Islami nay ummat-e-Muslimah ki khayr khuwahi kay liye Jahan bayshumaar shu'bajaat qa'im kiye hayn wahan ummat-e-muslimah ki shar'ee rahnuma'i kay liye bhi mukhtalif shu'bajaat qa'im kiye hayn. In mayn say ayk shu'ba "Madani muzakrah" hay jis mayn aksar Islami Bhai mukhtalif qism Kay muzu'aat maslan

---

<sup>1</sup> Al-Firdous Bimasour-ul-Khitaab, jild 2, safhah 80, Hadees 4011

<sup>2</sup> Bustaan-ul-Muhaddiseen, safhah 38

aqa'id-o-a'amal, fazail-o-manaqib, Shari'at-o-tariqat, tareekh-o-seerat, Science-o-tibbi, Akhlaqiyat-o-Islaami Ma'lumaat, Roz marra Kay mu'amaat aur digar bahut say muzu'aat say muta'liq suwalaat kartay hayn aur Ameer-e-Ahl-e-Sunnat دافتہ شریعت اعلیٰ shar'ee rehnumai farmate howay jawabat ata farmatay hayn.

**Malfuzaat-e-Ameer-Ahl-e-Sunnat** Aap دافتہ شریعت اعلیٰ farmatay hayn: Mujhay shuru' say hi shar'ee masa'il mayn Dil chaspi thi, isi shoq ki waja say Mufti-e-'Aazam Pakistan Mufti Waqar-uddeen Qadri Sahab رحمۃ اللہ علیہ Kay paas Mayra aana Jaana laga rayhta tha, mayn Da'wat-e-Islami Ban-nay say pehlay Bahaar-e-sharee'at ka dars dayta tha aur loog jo suwalaat kartay thay unka jawaab bhi dayta tha. Yun yeh silsila Da'wat-e-Islami ban-nay say pehlay chala aaraha hay phir jab Da'wat-e-Islami bani is mayn bhi yeh silsila chalta raha, albatta pehlay iska ko'ee naam nahin tha, "Madani muzaakrah" naam bahut ba'd mayn diya gaya hay. Allah Pak isay Qabool farmaye aur mujhay ghalatiyon say mehfooz rakhay, mayri hattal imkaan koshish hoti hay keh mayn yeh sisila 'ulama'ay karaam ki maujoodgi mayn karun takeh galati hojaye to unsay islah karwa'ee jaa sakay.<sup>1</sup> آنکھ نہیں بلے Madani Muzaakron ka yeh silsila tahaal jari-o-sari hay aur inki ta'daad do hazaar say tajawuz kar chuki hay in Madani muzaakron ko "Malfoozat-e-Ameer Ahl-e-sunnat" kay naam say tehriri sorat mayn bhi murattab kiya

---

<sup>1</sup> *Malfuzaat-e-Ameer-e-Ahl-e-Sunnat, qist 225, safhah 12*

jaa raha hay ab tak “Malfoozat-e-Ameer Ahl-e-sunnat” ki saat jildon par kaam mukammal ho chuka hay, jin mayn say 2 jildayn chap kar manzar-e-‘aam par aachuki hayn aur baqiya 5 jildayn chapnay kay marahil mayn hayn. Malfozaat-e-Ameer Ahl-e-sunnat ki yeh 7 jildayn 3742 safhaat par mushtamil hayn, jin mayn taqreeban 4805 suwalaat aur unkay jawabaat hayn jab keh mazeed jildon par kaam bhi ahdaaf mayn shamil hay.

**Darul Ifta’ Ahl-e-Sunnat** Da’wat-e-Islami nay ‘awam-o-khawaas ki shar’ee rahnuma’ee kay liye mulk bhar mayn mukhtalif maqamaat par “Daruliftah Ahl-e-Sunnat” bhi qa`im kiye hayn jahan muftiyaan-e-kiraam tahriri, zabani, phone aur deegar zara’ye say musalmaanon ki shar’ee rahnuma’ee karnay mayn masroof-e-‘amal hayn. Taa-dam-e-tahreer mahaana kam-o-baish saarhay saat soo say (750) say za`id fataawah daruliftah Ahl-e-sunnat say jari kiye jatay hayn aur ab tak dayr laakh say ziyadah tehriri fataawah jaari kiye jaa chukay hayn. email addrees ([darulifta@Dawateislami.net](mailto:darulifta@Dawateislami.net)) kay zari’ye mahana kam-o-baysh 2 hazaar suwalaat kay jawabaat di’ay jaatay hayn. bazari’ah phone pakistan, U.K, Yourup, America aur dunya bhar kay musalmaanon ko mahana kam-o-baysh 4 hazaar say zaid suwalaat kay jawabaat diye jatay hayn. Har mah darulifta Ahl-e-Sunnat mayn anay walay sa’ileen ko bil mushafah diye janay walay zabani jawabaat ki ta’daad kam-o-baish 10 hazaar hay Da’wat-e-Islami kay Official page aur madani chanel kay page par bhi muftiyan-e-kiraam live sisilay kay zari’ay ‘awamun naas ki shar’ee rahnuma’ee farmatay

hayn- iskay ‘ilwah ‘awaam-o-khawaas kay paish-e-nazar waqtan fawaqtan darul ifta’ Ahl-e-Sunnat ki janib say mukhtalif kutub-o-rasa`il masalan “Mukhtasir fatawa Ahl-e-Sunnat, Ahkaam-e-Zakaat, 27 Wajibaat-e-Hajj aur Tafseer Ahkaam, Namaz mayn luqmay kay masa`il , Valentainday (Qur'aan-o-Hadees ki roshni mayn), Kursi par namaz parhnay kay ahkaam” ka ijraa` bhi kiya jata hay.

**Majlis-e-Tahqeeqaat-e-Shar'iyyah-o-Shari'ah (Ifta` Maktab)**  
Da'wat-e-Islami nay ‘awam-o-khawaas ko paish aamadah jadid masa`il kay hal kay liye “majlis tehqeeqat-e-shar'iyya” jabkay Da'wat-e-Islami kay jomla umoor ko shar'ee ay'tibaar say watch karnay kay liye shari'ah addvisery board (ifta` maktab) bhi qa'im kiya hay jo keh Da'wat-e-Islami kay jaiyyid 'ulama'e kiraam-o-Muftiyaan-e-'uzzaam par mushtamil hay. Allah Pak Da'wat-e-Islami ki in kaawishon ko apni bargah mayn qabool farma kar mazeed taraqqi 'ata farma'ay.

أَمِينٌ يَحْمِلُ الْبَيِّنَاتِ الْأَمِينَ حَلَّ اللَّهُ عَلَيْهِ وَاللَّهُ مُعَذِّلٌ

**Ustaaz-ul-'Ulama` Hazrat 'Allamah Moulana Mufti Muhammad Ibraheem Qadiri** دَاعِشُ بَرَكَاتُهُ عَلَيْهِ farmatay hayn:

Allah عَزَّوجَلَّ Ameer-e-Ahl-e-Sunnat ka bhala karay jinhan nay Da'wat-e-Islami kay naam say aysi deeni islaahi jama'at qa'im farma'i jis nay bad-mazhabiyat kay saylaab kay aagay band baandha. jis say hazaaron laakhon afraad wabasta ho kar apni zindagi ittaba'-e-Shari'at mayn guzaar kar aur dilon ko hub-e-

Sarkaar ﷺ say sarshaar kar kay apnay seenay ko madina bana`ay howay hayn.

### Da'wat-e-Islami ki Ta'leemi Khidmaat

2 September 1981, Karachi kay 'ilaqay kharadar say chalnay wali yeh tehreek "Da'wat-e-Islami" apni 'umr kay 42wayn saal jab-keh duniya kay 200 say za'id mumalik mayn pahunch chuki hay. Sirf 41 saal kay 'arsay mayn taqreeban dunya bhar mayn apna asar chorna Allah kareem ki khususi 'ata aur uskay Habeeb ﷺ ki khususi nazr-e-'inayat aur bani-e-Da'wat-e-Islami aur unkay mu'avineen-o-Mutawassileen ki mehnat aur ikhlaas ka natija hay.

Guzishta 41 saalon mayn Da'wat-e-Islami nay jahan 'ashiqaan-e-Rasool mayn nayki ki da'wat 'aam ki, seedhi rah say bhatkay howay afraad ko raah-e-raast par chalaya, ghayr muslimon ko da'wat-e-islaam di aur kaseer ta'daad ko da'ira-e-islaam mayn dakhil kiya, nojawanon ko namazi aur sunnat-e-Rasool ka paband bananay kay sath sath sahaba-e-kiraam-o-Ahl-e-bayt ki muhabbat mayn garveedah kar kay Awliya'-e-kiraam kay daman say jora, wahin aik bahut bara iqdaam yeh kiya keh kaseer plat farms par "ilm e deen ki ta'leem" ko 'aam kiya.

Da'wat-e-Islami nay jahalat kay andhayray ko door karnay aur bay 'amali ki nahosat ka khatima karnay kay liye ta'limi maidaan mayn ka 'ee tarah say khidmaat anjaam din. Har 'umr kay afraad kay liye mukhtalif husool-e-'ilm kay shu'ba-jaat ka qayam kiya.

Nou-nayhalaan-e-Ummat ya'ni bachon aur bachiyon ko kitaab-e-muqaddas Qur'aan-e-kareem ki ta'leem danay kay liye Madrasa-tul-Madinah qa'im kiye. Da'wat-e-Islami ka sab say pehla Madrasa-tul-Madinah 11 rabi'u'l aakhir 1411 hijri 8 december 1990 ko Karachi kay 'ilaqay sabz markit (show markit garden) mayn qa'im huwa aur aaj Allah kay fazl say dunya bhar mayn bachon aur bachiyon kay 5 hazaar 947 Madaris qa'im hayn jahan 2 laakh 62 hazar 112 say za'id bachon aur bachiyon ko Qur'aan-e-kareem ki ta'leem muft faraham ki jarahi hay. jabkay aghaaz say ab tak nazrah aur hifz ki ta'leem panay walay bachon aur bachiyon ki ta'daad 4 laakh 39 hazar 940 say za'id hay.

'Ilm-e-deen sirf yeh nahin keh Qur'aan-e-kareem nazrah parh liya ya hifz kar liya bal-keh Qur'aan-e-kareem parhna seekhnay kay ba'ad samajhna aur uski joz'iyaat o kulliyaat say ta'alluq rakhnay walay 'uloom ka husool bhi 'ilm-e-deen hay bal-keh haqeeqi 'ilm-e-deen hay. Da'wat-e-Islami nay ﴿الْحَقْدُ بِلِه﴾ is pehlo par bhi khoob tawajjah di chunachay 'ilm e deen ki 'azeem daulat basurata-e-dars-e-nizaami faraham karnay kay liye September 1994 ko karachi kay 'ilaqay godhra colony may qa'im madrastul madina hi say jamiyatul madina ka aghaaz kiya gaya. chand bachon aur aik ustad sahab say shuro' honay wala yeh jami'a-tul-Madinah aaj bahut bara ta'limi network ban chuka hay. Jis kay tahet sirf dars e nizami hi nahin balkay jadeed khutoot par kaseer 'ilmi sho'bajaat jari hayn jin mayn hadees, fiq aur mukhtalif languages kay takhassusaat sar e

fehrist hayn sitember 1994 ko shuro' honay walay jami'atul madina ki aaj dunya bhar mayn 1247 branches hayn jin mayn 96 hazar 921 say za'id talba` o talibaat a'laa deeni ta'leem hasil kar rahay hayn jab-keh taa-dam-e-tahreer 241 maqamaat par talba` o talibaat ka daura-tul-hadees shareef aur 11 maqamaat par takhassusaat jari hayn- jami'a tul madina ki mukammal ta'limi khidmaat o tafseelaat jannay kay liye " mahnama faizan-e-madinah" ka khusoosi shumarah "faizan-e-'ilm-o-'amal" maktabatul madina say hasil kijiye. Baytiyan ghar ki 'izzat, Mu'ashray kay sudhaar ki aham aka'i aur khaandanon ki tarbiyat ka ahm rukn hoti hayn. yeh kehna ko'i mubalgha na hog akeh ayk bayti ki tarbiyat poray khandan ki tarbiyat hay- ﴿لَهُ تَعَالَى أَعْلَم﴾ Da'wat-e-Islami nay jahan khawateen aur baytiyon ki saheeh islami tarbiyat kay liye kaseer iqdamaat kiye hayn wahn unki ta'leem kay liye bhi ka'ee shu'bajaat qa'im hayn. Dars-e-nizami ya'ni 'Aalima course kay 'ilawah qaleel dauraniye par mushtamil mukhtalif ta'limi corses bhi jari kiye ga'ay hayn jin mayn Faizan e shari'at cors bahut ma'roof, maqbool aur 'aam hay.

Jami'a-tul-madina say dars-e-nizami aur shari'at course mukammal karnay walay talba`-o-talibaat ki ta'daad ﴿لَهُ تَعَالَى أَعْلَم﴾ 16 hazar 117 say za'id hay.

Loog chahtay hayn keh hamaray bachay 'ilm e deen bhi hasil karayn aur dunyawi 'uloom mayn bhi aagay aagay rahayn laikin aysa mahool aur andaaz nahin milta, kitnay hi idaray aysay hayn jo deeni o dunyawi 'uloom ka da'wah kartay hayn

laikin un mayn ghalaba dunyawi 'uloom ka hota hay aur nisaab mayn ba'z auqaat aysa mawaad bhi shamil hota hay jo 'aqa'id e islamiya kay bhi khilaaf hota hay. ﷺ Da'wat-e-Islami nay iska bhi baqa'idah-o-munazzam aur thaus hal nikala jisay Daarul Madinah Aducation System aur faizaan islamic school system ka naam diya jata hay. ab tak mulk-o-bayron-e-mulk is ta'limi system ki 185 branches mayn 38 hazar say za'id bachay aur bachiyan zayr-e-ta'leem hayn.

Dunya agar-cheh bahut bari hay laykin internet aur jadeed tecnologi nay usay aik ga'on ki tarhan bana diya hay jisay global vallige ka naam diya jata hay, Da'wat-e-Islami nay is tecnalogi ko deeni ta'leem kay liye ista'mal kiya aur dunya bhar kay musalmaanon ko may'aari deeni ta'leem faraham karnay kay liye faizan online academy qaim ki. online plat farm say Da'wat-e-Islami 45 branches aur 32 ta'leemi courses kay zari'ay 'ilm-e-deen sikhay mayn masroof hay.

Hamaray mu'ashray ki ayk soch ban ga'ee hay keh shayad baqa'idah idaron mayn ta'leem hasil karna sirf bachon hi ka kaam hay jab-keh deen-e-islam to har 'umr kay afraad ko husool-e-'ilm ki talqueen karta hay, Da'wat-e-Islami nay is mu'ashrati sooch kay paish-e-nazar ghayr idarati andaaz mayn bhi ta'leem e deen ka ahtemaam kiya chuna-cheh wo afraad jo bari 'umer ya dunyavi degar masrofiyat kay ba'is baqa'idah idarati nizaam kay tehat 'ilm hasil nahin kar patay unki nazra Qur'aan e paak aur farz 'uloom ki ta'leem kay liye masjid

masjid mayn Madaris-ul-Madina Balighaan jabkay kaseer maqamaat par aur gharon aur madaris mayn bari 'umer ki khawateen kay liye madaris ka aaghaaz kiya- is waqt **آلہ حمد** **بِلَه** dunya bhar mayn mard hazraat kay liye 45 hazar 232 jabkay khawateen kay liye 10 hazar 845 say za'id madaris qa'im hayn- in madaris say ab tak **آلہ حمد** **بِلَه** 3 lakh 12 hazar 158 say za'id mard o khawateen ko nazra qur'aan e paak ki ta'leem di ja chuki hay.

Madaris o jami'aat kay 'ilawah **آلہ حمد** **بِلَه** Da'wat-e-Islami nay ta'leem-e-deen kay deegar bhi bahut say zara'ye apnaye hayn jin mayn ba'd namaz-e-fajar halqay mayn qur'aan e Pak ka tarjama-o-tafseer, hafta waarr sunnaton bharay ijtimaa' kay ba'd du'ayen aur sunnatayn sikhanay kay halqay, madani qaaflon mayn namaz-o -du'ayen waghayra sikhanay ka silsila, madani chenal par bahut say seekhnay sikhanay kay programs barson kay tajribaat-o-muta'allay ki roshni mayn madani muzakray kay zari'ye 'ilmi nawadraat ka byaan aur deegar bahut sar andaz e ta'leem shamil hayn.

In sab kay 'ilawah ummat kay darpaysh shar'i masa'il ki rehnuma'i kay liye darulifta Ahl-e-sunnat, 'ilmi-o-tehqeeqi deeni litrecher pohchanay kay liye Al-Madinah-tul-'Ilmiyah (Islamic Research Center) sahafat kay maydaan mayn deeniyat ko faraugh daynay kay liye mahnama faizan-e-madinah aur Da'wat-e-Islami kay shab-o-roz internet ki dunya mayn 'ilm e deen ki iha'at kay liye 41 say za'id Websites aur social media pages ka qayaam bhi 'amal mayn laya gaya.

Da'wat-e-Islami kay is qadro wasee' ta'limi network ki sab say bari khusoosiyat yeh hay keh ﴿أَنْعَنُنْ بِلَه﴾ har satah par bachon bachiyon aur mard o khawateen kay liye tamaam nizaam joda joda hay- ta'limi idaray hon ya intezami majalis mahafil hon ya ijtimaa'at har satah pr shari'at ki pasdari aur parday ka shar'i nizaam pori tarhan qa'im hay.

*Allah karam aysa karay tujh pay jahan mayn  
Ay Da'wat-e-Islami tayri dhoom machi ho*

### **Da'wat-e-Islami aur 'Aalami Aman-e-'Aam-mah**

**Aman waqt ki Ahaym tareen zarorat** is waqt majmu'ee toor par poori dunya bay chayni aur bad-amni ki lapayt mayn hay, har mulk aman aur sukoon ka khuwaahaan hay aur apni tamaam tar tawanaiyaan aman ki talaash mayn sarf kar raha hay, 'aalami satah par is maqsad kay liye 'Arbon Dollar kharch kiye jaatay hayn, Afwaaj aur tanzeemayn bana'ee jaati hayn, Qawaneen aur policies ka nifaaz hota hay ta-keh dunya mayn aman qa'im kiya jaa sakay laykin is kay bawajood bad-amni ab bhi poori dunya ka malsa hay. Aman dunya Kay har mu'ashray aur har tabqay ki zarorat hay, is kay baghayr taraqqi aur khush-haali ayk khuwaab ban kar reh jaati hay bal-keh yeh naa ho to quomayn tabahi kay dahanay par pohonch jaati hayn. Aman kaysay qa'im ho sakta hay yeh ayk tafseeli mozu' hay laykin mukhtasir yeh keh aman mu'ashray mayn achha'ee kay faroogh aur burai kay khaatmayn say aata hay, ayk pur aman

mu'ashrah is hi waqt qaim ho sakta hay jab is kay logon mayn achha'ee kay kaam karnay aur burai kay kamon say ruknay ka culture aam ho jaye.

**Islaam Aur Pur-aman Mu'ashrah** Agar haqeeqat kay Aa'inay mayn daykha ja'ay to yeh baat bakhubi wazayh ho jaati hay keh duniya mayn aman qa'im karnay kay liye jo kirdaar deen-e-Islaam nay ada kiya is ki misaal kahin aur nahin milti. Islaam nay acha'ee kay faroogh aur bura'ee kay khaatmay kay liye na sirf ijtimaa'ee aur mulki satah kay qawaneen diye hayn bal-keh infiradi satah par bhi afraad ki achi tarbiyat aur inhayn mu'ashray kay behtreen fard bananay kay liye ayk khubsurat nizaam diya hay. Islaam nay ayk tarf to insaani huqooq paamaal karnay waalay 'aadi mujrimon kay liye saza'ayn muqarrar kin, logon ki jaan-o-maal aur 'izzat-o-aabru ki hifazat kay liye mazboot qawaneen diye, 'adal-o-insaaf ka behtreen aur misaali nizaam paysh kiya to dusri tarf infiradi satah par mu'ashray kay har fard ko yeh sabak diya keh is nay dusron kay huqooq ka khayaal rakhna hay, yahan tak keh islaam nay ghayr muslim parosi kay bhi huqooq bayaan kiye hayn. Algharz islami ta'leemaat mu'ashray mayn rehnay waalay har fard ko ayk acha insaan banati hayn aur isay yeh bhi sikhati hayn keh wo apnay ird gird basnay waalay afraad kay saath acha barta'o karay aur in kay huqooq ka khayaal rakhay.

**Pur Aman Mu'ashrah aur Da'wat-e-Islami** 'alam-e-Islaam ki bahut bari tayhreek "**Da'wat-e-Islami**" islaam ki unhin roshan

ta'limaat kay mutabiq mu'ashray mayn acha`ee kay firoogh aur afraad ki zayhni-o-fikri tabiyat kay zariye inhayn mu'ashray ka bahreen fard bananay kay liye duniya bhar mayn kaam kar rahi hay. Da'wat-e-Islami ab tak aysay bay shumaar fard ko rah-e-raast par laanay aur inhayn acha insaan bananay ka kaam kar chuki hay to payhlay mu'ashray kay bad-tareen afraad samjhay jaatay thay mazeed yeh keh Aman-e-'Aam-mah ko kharaab karnay waalay aysay 'aadi mujrim jo mukhtalif jaylon mayn saza`ayn kaat rahay hayn Da'wat-e-Islami jaylon mayn jaa kar aysay afraad ki bhi zehayn saazi kar rahi hay ta-keh wo aa`indah aysay jara`im ka irtikaab naa karayn, nayk musalmaan aur achay insaan banayn.

**'Aalami Aman-e-'Aam-mah aur Da'wat-e-Islami** Islaam ka ayk bahut hi khubsurat payhlu yeh bhi hay keh is nay mukhtalif quomon aur rang-o-nasal kay logon ko ”إِنَّ الْمُؤْمِنَاتِ لَا يَرْجُونَ أَخْرَجَةً“ (yani musalmaan bhai bhai hayn)<sup>1</sup> kay rishtay mayn joor diya hay, yeh wo rishta hay jo tamaam faaslon aur sarhadon kay bawajood ayk dusray kay qareeb kar dayta hay, is say wazayh hoota hay keh islaam ayk 'aalameer mazhab hay, yeh duriyan mita kar logon ko joorta hay, nafratayn mita kar muhabbatayn baant-ta hay. Islaam kay isi mijaaaz kay mutabiq Da'wat-e-Islami pori dunya mayn islaami ta'leemaat 'aam karnay, nafratayn mitanay aur aman-o-Muhabbat ka payghaam 'aam karnay mayn masroof-e-'amal hay, kiyun keh aman jara`im

---

<sup>1</sup> Parah 26, Surah Al-Hujraat, Aaayat 10

kay khaatmay aur acha'ee kay firoogh say hi mumkin hay layhaaza Da'wat-e-Islami apnay islahi mission kay zariye 'aalami satah par bhi aman kay qayaam mayn ayk bahut bara kirdaar ada kar rahi hay, yahan tak keh Da'wat-e-Islami kay is andaaz aur payghaam-e-Muhabbat say mutasir ho kar ka'ee ghayr muslim bhi islaam qabool kar rahay hayn. Ameer-e-Ahl-e-Sunnat, Hazrat 'Allamah Muhammad Ilyas 'Attar Qadri دامت برکاتہم العالیہ ki tarf say jaari kardah **Nayk A'amaal** naami risalah bhi isi silsilay ki ayk kari hay jis kay zariye mu'ashray mayn bur'a'yon say bachnay aur nayk kaam karnay ka jazbah barh raha hay aur yun mu'ashray mayn ayk musbat (Positive) tabdeeli aarahi hay.

**Da'wat-e-Islami pur aman tanzeem hay** Islaam insaani huqooq ka sab say bara muhafiz hay yayhi wajah hay keh is deen mayn huqooq-ul-'Ibaad ko bahut ziyadah ahmiyat hasil hay, ayk haqeeqi musalmaan ki yeh koshish hooti hay keh us ki zaat say kisi insaan ko takleef na pohonchay yayhi wajah hay keh Da'wat-e-Islami ahtijaaj (Protest), tor-phor aur hangaamon say door rayh kar tamaam tar tawajjah islah aur tarbiyat-e-Mu'ashrah par markooz rakhti hay. Ameer-e-Ahl-e-Sunnat دامت برکاتہم العالیہ famaatay hayn: puri duniya sun lay keh إِنْ شَاءَ اللَّهُ Da'wat-e-Islami na kabhi hartaal karay gi, na ahtijaaj karay gi, na hangaamayn karay gi, na jala'o ghayra'o karay gi, na pathar utha'ay gi, naa aag laga'ay gi, na ahtijaaji rayliyan nikaalay gi aur na hi hukumaton kay takhtay ulatnay kay hayr phayr mayn paray gi. إِنْ شَاءَ اللَّهُ yeh mayray ba'd bhi aysa

nahin karay gi. Da'wat-e-Islami kay paas bharpoor infiraadi quwat hay laykin ﴿أَخْنَدُ اللَّهَ﴾ yeh takhribi kamon aur maar dhaar mayn, mulawwis nahin hootay, ham Allah say darnay waalay loog hayn aur yeh sooch rakhtay hayn keh bas kisi bhi tarah Allah kay bandon ko hamaray zariye rahat pohunchay, taqleef na pohunchay. (*Madani chenal ka program: “Dilon ki Rahat” 19 April 2020*)

**‘Azeem leader aur Mudabbir** Ameer-e-Ahl-e-Sunnat دامت برکاتہیۃ الٰیٰ kay yeh alfaaz bata rahay hayn keh Aap mudabiranah salahiyaton kay hamil, ayk ‘azeem leader hayn. Aap nay bahut hi pyaray andaaz mayn Da'wat-e-Islami say wabastah logon ko aman ka dars diya aur saath hi tanzeem ki yeh policy bhi bayaan kardi keh Da'wat-e-Islami ayk pur aman jama'at hay aur yeh apnay mission ko hamayshah pur aman andaaz mayn dunya bhar mayn jaari rakhay gi. Yahan tak keh Ameer-e-Ahl-e-Sunnat nay yeh bhi farmaaya hay keh bil-farz ko 'ee mujhay shaheed kar day to mayri taraf say usay mayray huqooq mu'aaf hayn. Wurasa` say bhi darkhuwaast hay keh usay apna haq mu'aaf kar dayn.<sup>1</sup> Waqt nay sabit kiya hay keh ayk ‘azeem leader aur rayhnuma nay jis tarah ayk shafeeq baap ki tarah apnay murideen aur muta'lliqeen ki tabiyat ki hay isi tarah is nay Da'wat-e-Islami ki qabuliyat ko ouj-e-sarya par pohoncha diya hay. Da'wat-e-Islami ko banay 41 saal guzar chukay hayn, is ka network puri duniya mayn phayla huwa hay

---

<sup>1</sup> *Gheebat ki tabah kaariyan, safhah 112*

laykin ﷺ Da'wat-e-Islami mulk aur bayroon-e-mulk har jagah pur aman rahi hay yayhi wajah hay keh hukumat-e-Pakistan ki janib say isay yeh sertificate bhi jaari kiya gaya hay keh Da'wat-e-Islami ayk ghayr siyasi aur pur aman tanzeem hay. Is tarah islaam ka payghaam-e-aman-o-Muhabbat Da'wat-e-Islami kay zariye duniya bhar mayn apni khushbu`ayn phayla raha hay.

### **Da'wat-e-Islami ki Falahi Khidmaat**

Deen-e-islaam deen-e-fitrat hay, iska mizaaj takreem-e-insaniyat, nafa' bakhshi aur fayz rasani hay. islaam nay bay sahara afraad aur dukhi insamiyat ki madad-o-'inayat par bahut zoor diya hay- logon ko bunyadi-o-mai'ari ta'leem, sayhat ki bunyadi sahuliyaat ki farahmi, yateemon ki behtareen andaaz mayn kifalat, mu'ashray kay pisay hoye mahroom tabqaat ki daad rasi, unkay mu'ashi aur mu'aasharti huqooq ka difa' logon kay sath husna-e-mo'aamlaat aur infaaq-o-khiraat kay zari'ay unki i'aanat karna khidmat-e-insaniyat mayn sar-e-fehrist hay. Qur`aan-o-hadees nay wazeh alfaaz mayn sahib-e-sarwat afraad par zimmay-daari dali hay keh who mu'ashray kay mahroom tabqaat ki daikh bhaal karayn- musalmanon ko sirf insaanon kay sath hi husn-e-sulook ka nahin kaha gaya bal-keh janwaron kay sath reham kay barta'o aur maholiyat ki hifazat ki bhi takeed ki ga'ee hay.

'Asr-e-hazir mayn 'ashiqaan-e-rasool ki 'aalameer 'azeem deni tehreek Da'wat-e-Islami ummat-e-muslima ki na sirf

'ilmi-o-fikri rahnum'i kar rahi hay balkay mu'ashray mayn dukhi insaniyat ki khidmat aur majbor-o-mehroom tabqay ki har mumkin madad kay liye bhi koshan hay- rafahi kamon ki anjaam dahi kay liye da'wat-eslami nay baqa'idah aik dipartment "FGRF" qa'im kiya huwa hay jis kay zari'ay ta'leem sehat aur falah-e-'amaa kay maydaanon mayn insaniyat ko jahalat, bimari, ghurbat, bay rozgari, qudrati afaat aur behraanon say nijaat dilanay kay liye mahir team sar garam-e-'amal hay-

Watan-e-'azeez mayn nagahani afaat kay moqay' par Da'wat-e-Islami hamayha paish paish rehti hay- saylaab, zalzalah, taufaan say insani o maali amlaak ko jab jab nuqsaan puhncha, ya uskay khatraat lahaq howay to Da'wat-e-Islami kay hazaron karkun madad kay liye aagay aaye aur mulk kay dor daraz 'ilaqon mayn jaa kar muta'sireen ko tibbi, maali aur akhlaaqi mu'avinat faraham ki. yeh silsilah afaat kay dinon mayn hi nahin balkay saara saal jari rehta hay.

**Da'wat-e-Islami ki falahi khidmaat ka ja'izah:** FGRF ka wasee' network paynsath (65) say za'id mumalik mayn phayla huwa hay aur afradi quwwat ki wasee' dastiyabi isay deegar idaron mayn mumtaaz banati hay. FGRF ka'ee andaaz say ummat-e-mohammadiya ki khidmat kar raha hay: Desaster management food distribution, faizan Rehibilitatin center (ma'zoor bachon ka 'ilaj), Madani Home (yateem khana). health cear center, Shajar kari muhim/'arban forest, Blood campus, Thelisimia aur degar mareezon kay liye blood

donation, Free medical campus aur, Skils Inhasment program sameet waba'ee amraaz, train haadsaat, zalzalah, saylaab, barish ki aafaat, aag lagnay/ building girnay kay waqe'aat, aa'idepeez ki madad, ghareebon mayn rashan ki taqseem kari, sehraye thar aur cholistaan mayn water pump lagwanay-o-kunwayn khudwanay old houses mayn da'waton ka ahtimaam heat strock istaiblaization campus aur pakistan sameet dunya bhar mayn sehar-o-iftaar ka ahtemaam nehayat munazzam andaaz mayn anjaam diya ja raha hay.

**Thelisimia free Pakistan:** COVID 19 kay dauraan thelisimia kay mareezon ko khoon kay 'atiyat ki shadeed kami ho'ee, khoon kay 'atiyat na honay kay sabab mareez ko mayoos ghar wpis lautna par raha tha jo kisi baray insani ilmiye kay ba'is ban sakta tha- is nazuk surat-e-haal ko daikhtay hoye Ameer-e-Ahl-e-Sunnat Hazrat 'Allamah Muhammad Ilyas 'Attar Qadri نائب بزرگانہ العالیہ nay Da'wat-e-Islami kay tamaam zimmedaraan ko khusoosi hidayaat jari kin keh thelisimia kay mareezon ki madad kay liye fori aur hangami iqdamat kiye jayen. Aap hairaan reh jayen gay keh FGRF kay tehat May 2020, say june 2022, tak pakistan bhar mayn lagnay walay blood campus mayn 50 hazar say za'id bloods bags 'atiya hoye jinhayn mulk bhar kay naamver blood banks aur thelisimia keh rigisterd idaron mayn jama' karwaya gaya.

**Shajar kaari:** Jaysay jaysay science taraqqi karti jarahi hay usi raftaar say dunya mayn transport kay dhuyen aur factories ki waja say phailnay wali faza'ee aloodgi say zameen ka darja'ye

hararat bhi barhta jaraha hay jiskay nateejay mayn moosmi halaat mayn shiddat aur insani zindagi par iskay muzir asraat murattab hotay jarahay hayn. globle warming say nimatnay kay liye dunya bhar mayn shajar kaari par zoor diya jaraha hay, is naik kaam mayn Da'wat-e-Islami ki taraf say bharpoor andaaz mayn shirkat ka faisla kiya gaya aur Bani-e-Da'wat-e-Islami nay madani chenal par 1 'arab poday laganay ka 'elaan farmaya. hadaf ko 'amali jama pehnayanay kay liye ab tak WWF, forest department aur muta'alliq hukumati idaron kay ta'awon say 20 laakh poday Da'wat-e-Islami aur 'aashiqaanay rasool ki taraf say laga'ay ja chukay hayn jabkay mazeed koshish bhi jari hay.

**Madani Home:** (yateem khana) joly 2021 mayn Da'wat-e-Islami nay yateem khana banaam "Madani Home" bananay ka faisla kiya aur mukammal playning kay ba'd march 2022 mayn pehlay yateem khanay ka sang-e-bunyaad north karachi, karela stop par waqay' fayz-e-Madina masjid say muttasil jaga par rakh diya. Tarjomaan-e-Da'wat-e-Islami Haji Abdul Habeeb Attari nay sang-e-bunyaad ki taqreeb mayn bayaan kartay howay kaha keh "Da'wat-e-Islami madani home mayn maujood bachon kay libaas, unkay 'ilaaj, unki ta'leem-o-tarbiyat aur mustaqbil kay hawalay say unki kifalat karay gi. Yahan deeni-o-dunyawi donon ta'leem dilwa'ee jayen gi, ta'leem daytay waqt mustaqbil mayn bachon kay rozgaar ko bhi madd-e-nazar rakha jayega.

**Desastar Management:** Desastar management FGRF ka aik bahut hi numayan aur fa'aal sho'ba hay- ye sho'ba quadrati aafaat-o-hadsaat masalan saylaab, shadeed barish, zalzalah, train hadsaat, heat strock, waba`ee amraaz, building girnay/aag lagnay aur hawa`ee jahaz girnay jaysay waqi'aat kay dauraan fa'aal hota hay. Muta'assirah afraad tak khoraak aur imdadi samaan puhnchana, 'aarzi panah gaahon kay sath khuraak aur pinay kay pani ki taqseem kari is shu'bey ki bunyadi zimmedaari hay.

**Madani Health Cear Center:** Pehla madani health cear center karachi kay 'ilaqay aisha manzil mayn taiyar ho chuka hay, 25 safar-ul-muzaffar 1444 hijri ko yaum-e-raza kay moqay' par iska iftetah honay jaraha hay. shu'bey kay zimmaydaar rukn-e-shura Maulana Jaji Abdul Habeeb Attari kay mutabiq health cear center mayn mahir docters dastiyaab hon gay. Yahan mard-o-khawateen kay liye alag alag mukammal shar'ee pardayh ka khayal rakhtay hoye emergency, ga`ini, general amraaz ('aam bimariyan) bachon kay amraaz, Arthopedic, (haddiyon, joron, pathon) kay amraaz ka 'ilaaj hogha aur insaniyat ki khidmat ki gharz say doctor ki fees, test aur medican sameet fees sirf 300 say 500 rupay charge ki jaye gi. yahan rozana ki bunyaad par 800 say 1200 mareez 'ilaaj karwa sakayn gay.

**Mukhtalif Ma'zoor Bachon ka ilaaaj:** Autism aur sama'at ki ma'zori kay sath sath hissi masa'il kay shikaar bachon ki bahali bhi FGRF ki tarjihaat mayn shamil hay. is silsilay mayn

Faizan-e-Da'wat-e-Islami

FGRF nay shahrah-e-faisal karachi mayn “faizan ri heblitation center” kay naam say aik bahali markaz qa‘im kar diya hay jabkay faisalabad mayn bhi aik jaga hasil karli ga‘ee hay jahan Art ki sahulat aur jadeed tareen therapy Techniques say pori tarhan lays faizan re-hebilitation center ki dosri branch qa‘im ki jayegi.

‘Ashiqaan-e-rasool say guzarish hay keh apnay ‘atiyaat (donation0 kay zari‘ay FGRF kay sath ta‘avon farmayen. Agar aap is naik kaam mayn hissa milana chahtay hayn to darj zail number par rabta farmayen.

**Rabta number:** (021) 32792626

### **Jadeed Technology kay maydaan mayn Da'wat-e-Islami ki Deeni Khidmaat**

Jadeed tecnology waqt ki zarorat aur raabtay ka aik zari‘a hay, is kay ghalat iste‘maal kay nuqsanaat jabkay durust istai‘maal kay kaseer fawa‘id bhi hayn, Alhamdulillah Da'wat-e-Islami jadeed tecnology kay maidaan mayn mukhtalif tariqon say deeni khidmaat siranjaam day rahi hay. Tafseel mulahazah ki jiye:

### **Mobile Apps ka ta‘aruf**

Da'wat-e-Islami ka I.T depart ab tak 31 say za‘id mukhtalif applications release kar chuka hay, chand apps ye hayn.

### **Al Qur'aan-ul-kareem**

Is app say ba'aatibaar parah, soorat, aayat tilawat kar saktay hayn, download bhi kar saktay hayn, search bhi kar saktay hayn.

### **Siraat-ul-Jinaan**

Is Aap say Qur'aan Pak Mukammal tarjoma aur tafseer kay saath parh saktay hayn, search kar saktay hayn, copy bhi kar saktay hayn.

### **Mu'aarfa-tul-Qur'aan**

Qur'aan-e-Pak kay lafzi aur bamuhawrah tarjamay ki behtareen app hay, mukhtalif mozu'aat ka data search aur download bhi kar saktay hayn.

### **Bahar-e-sharee'at (complete bahar-e-shari'at)**

Is app kay zari'ay deeni masa'il ki bahut bari kitaab bahar-e-shari'at kay a20 hisson ka mutal'a kiya jasakta hay, searching aur copy ki sahulat bhi hay.

### **Dar-ul-ifta Ahl-e-Sunnat**

Is app kay zari'ay darulifta Ahl-e-sunnat kay hazaron fatway mozo'aat kay a'tebaar say parh saktay hayn, searching aur download bhi kar saktay hayn, mukhtalif kutub aur programs bhi daikh saktay hayn.

### **Kutub library (Islamic books library)**

Yeh mukhtalif mozo'aat ki deeni kitabon ki online app hay, yahan say kitabayn parh kar download aur shear bhi kar saktay hayn.

### **Auqaat-e-Namaz (prayer Times)**

Is app kay zari'ay location set kar kay dunya kay hazaron maqamaat ka namazon kay durust auqaat ma'loom kar saktay hayn, simt-e-qinla daikh saktay hayn, Auto tariqay say namzon kay auqaaat mayn mobile ko silent mod mayn set bhi kar saktay hayn.

### **Nayk a'maal**

Agar aap naik banna chahtay hayn toyeh app aap kay liye hay, is app kay zari'ay rozana ki bunyaad par apnay ma'molaat ko cheack karkay nayk bannay mayn madad hasil ki jasakti hay.

### **Hajj-o-'umrah**

Hajj-o-'umrah karnay walon kay liye yeh app behtareen sathi hay, is mayn hajj-o-'umreh ka tariqa, zarori masa'il, vedios, du'ayen, Makkah, Madina jaddah kay mosami ahwaal aur caruncy converter bhi hay.

### **Kalmah and du'a**

Chotay bachon ki deni tarbiyat ki aik behtareen app hay is mayn 6 kalimay mukhtalif du'ayen, sunnatayn aur aadaab aur

Faizan-e-Da'wat-e-Islami

ikhlaqi tarbiyat par mushtamil mukhtalif vedios maujood hayn.

### **Islaami bayanaat**

Is app mayn qur'aan-o-hadees-o-buzrugaan-e- deen kay aqwaal par mushtamil mukhtalif mozo'aat par tahriri bayanaat maujood hayn.

### **Madani chenal**

Is app kay zari'ay aap urdu, english, bangla zabaan mayn madani chenal live dekh aur sun saktay hayn.

### **Rohani 'ilaaj** (Online Rohani Ilaj and Istekhra)

Is app kay zari'ay istekhara aur zahiri-o-rohani bimari ki kaat karwa'i jasakti hay, ghar bethay ta'vizaat mangwaye jasaktay hayn, sisilah Qadriya , razawiyah, 'attariya mayn mureed bhi karwaya jasakta hay.

### **Faizan Online Academay**

Is shu'bay kay zari'ay Da'wat-e-Islami bazari'a internet Qur'aan-o-sunnat ki ta'leem 'aam karnay kay liye nazrah, hifz, tarjama'-e-qur'aan tafseer-o-hadees dars-e-nizami farz 'uloom 'aqa'id seerat, fiq, taharat, namaz, imamat, rozah aur zakat sameet degar ka`ee courses online karwa'ay jaatay hayn.

### **Social Media Aur Da'wat-e-Islami**

Faizan-e-Da'wat-e-Islami

Mukhtalif social media platfarms jaysay Youtube, Facebook, Instagram, Tweter aur WatsApp waghayrah kay ghalat mawaad-o-ghalat ista'maal say waqt ka ziya', jhoot, gheebat, chughli, buhtaan, hasad, takabbur, bad-akhlaaqi, fahash guftugu jaysi ka`ee bimariyan 'aam ho rahi hayn, sirf tafrih kay liye in ka ista'maal sakht nuqsaan dayh hay, Da'wat-e-Islami in tamaan platfarms par musbat andaaz mayn mukhtalif Channels aur pages kay zariye nayki ki da'wat ko khoob 'aam kar rahi hay:

### **Mukhtalif Websites ka qayaam**

Wrbsites bhi ma'lumaat kay husool ya mukhtalif chizon ki tash-heer ka ayk bara zariya hayn, 'ilm-e-deen hasil karnay kay liye Da'wat-e-Islami ki darj zayl websites ka zaroor visit ki jiye.

[www.dawateislami.net](http://www.dawateislami.net)

[www.dawateislami.org](http://www.dawateislami.org)

[news.dawateislami.net](http://news.dawateislami.net)

[www.daruliftaaahlesunnat.net](http://www.daruliftaaahlesunnat.net)

### **Madani Channel**

الحمد لله Da'wat-e-Islami Madani Channal kay zariye Qur'aan-o-Sunnat ki ta'limaat ko 'aam karnay mayn bhi paysh paysh hay, Madani Channel ki 24 ghantay ki on-air aur off-air nashariyat kay zariye na sirf 'ilm-e-deen hasil kar saktay hayn

Faizan-e-Da'wat-e-Islami

bal-keh apni, apnay ghar waalon, bachon aur muta'liqa afraad  
ki deeni aur dunyawi akhlaqi tabiyat bhi kar saktay hayn.

Wazayh rahay keh in tamaam App ko Update bhi kiya jaata  
hay, google play waghayrah par in App kay naam likh kar  
search kar kay install kiya ja sakta hay jab-keh aap ki aasani kay



liye ayk App baa-naam "Da'wat-e-Islami Digital Services" bhi tayyar ki  
ga`ee hay jis mayn Da'wat-e-Islami ki tamaam Apps aur social media  
links mojood hayn ye Application is Qr-Code ko scan kar kay install kar  
saktay hayn.

**آلَّهُمَّ إِنِّي أَعُوْذُ بِكَ** In Apps aur websites kay zariye bahr bari ta'daad  
mustafeed ho rahi hay, Da'wat-e-Islami ki websites visit karnay  
waalon ki awsat mahana ta'daad 3 laakh 10 hazaar say za'id  
hay jab-keh Da'wat-e-Islami ki Apps 16 million say za'id  
ta'daad mayn install ki jaa chuki hayn.

Allah Pak Da'wat-e-Islami ko mazeed taraqqi-o-'urooj 'ata  
farma`ay.

أَمِينٌ يَجَاؤهُ الْأَمِينُ ﷺ

### Da'wat-e-Islami ka khawateen mayn deeni kaam

Yaqeenan Allah Pak ka ahsaan hi hay keh is nay shaytaani  
chaalon say apnay bandon ko bachanay kay liye Ambiya`-e-

Kiraam aur in kay ba'd Awliya'-e-Kiraam ka silsilah jaari rakha, jo Allah kay bandon ko is kay deen ki tarf raghib karnay aur shaytaan kay raastay par chalnay say rooknay ka fareezah anjaam daytay rahay. Fi zamanah is ki zindah misaal Ameer-e-Ahl-e-Sunnat Hazrat 'Allamah Muhammad Ilyas 'Attar Qadiri Ziya`ee دامت برگاتہ العالیہ hayn, jo ishal-e-Mu'ashrayh ki khidmat anjaam daynay mayn apni misaal aap hayn. Allah nay aap ko bayshumaar khubiyon kay saath saath husn-e-ikhlaaq ki aysi sift say nawaza hay keh zamanah in ka girwidah ho gaya, loog aap kay pichay chalnay ko na sirf tayyar ho gaye bal-keh is ko apnay liye sa'adat samajhnay lagay aur apni khush-qismati par naaz karnay lagay, aur phir waqt nay daykha keh jin kay sudhaar kay liye in kay apnay waalidayn nay haar maan li aur apni oulaad say bayzaar ho ga`ay neez asaatzah nay har tarah ki koshish kar lin, aakhir kaar unhon nay bhi haath utha liya, aysay bighray huway afraad bhi aap ki baarghah mayn pohonch kar aap kay haath par tooba kar kay apnay Rab ko raazi karnay waalay ban ga`ay aur walidayn ki farmabardaar oulaad mayn in ka shumaar honay laga. Ameer-e-Ahl-e-Sunnat دامت برگاتہ العالیہ nay mu'ashray kay har fard ki islah ki tarf tawajjah farma`ee, Aap nay jahan boorhay jawaan, ustaad, talib-e-'ilm aur digar bahut say shu'bon mayn islaam ki muhabbat, is ki ta'limateen par 'amal aur 'ishq-e-Rasool kay taqazon kay mutabiq zindagi guzaarnay ka jazbah 'aam kiya, wahan khawateen ki islah ka bhi bahtreen nizaam qa'im farmaaya. Khawateen na sirf khud mu'ashray ki ahaym fard hayn bal-keh afraad ki tarbiyat ka zariyah bhi hayn, layhazah

Da'wat-e-Islami jab mu'ashray ki islah ka bayra utha`ay huway hay to yeh kaysay ho sakta hay keh khawateen kay liye in ka ko`ee platfarm na ho. Da'wat-e-Islami nay inhayn bhi tanha na chora, yayhi wajah hay keh dunya kay jis konay mayn Da'wat-e-Islami ka payghaam pohcha, wahan ki khawateen nay bhi is tehreek say fayz hasil kiya. Is waqt mulk-o-bayroon-e-mulk mayn laakhon khawateen is tehreek say na sirf waabasta hayn bal-keh apni naslon ka bayra uthanay kay saath digar islaami behnon ki islah ki koshishon mayn bhi masroof hayn.

**Da'wat-e-Islami ka khawateen kay liye deeni kaam** islaami behnon kay chand ahm shu'abajaat ki jhalkiyan mulahizah hon:

- ❖ Bari umr ki khawateen aur choti 'umr ki bachiyon kay liye alag alag madrasah-tul-Madinah ka qayaam.
- ❖ Qur'aan Pak online sikhanyay ki classes ka ahtimaam.
- ❖ Dars-e-Qur'aan kay zariye Faizan-e-Qur'aan ko 'aam karna.
- ❖ Jami'a-tul-Madinah girls kay zariye islaami behnon ko dars-e-nizaami ya'ni 'aalimah course karwaana.
- ❖ Haftawaar ijtim'aat aur Mahafil mayn islahi bayanaat kay zariye islaami behnon mayn 'amal ka jazbah barhaana.

- ❖ Shu'abah raabtah kay zariye lady wuqla`, jajiz, sports women, Artist aur working women mayn islah ki koshish karna aur inhayn deen say qareeb karna.
- ❖ Shu'bah ta'leem kay zariye school aur college ki talibaat, teachers, women staff mayn deen-e-islaam ki roshni ko phaylaana.
- ❖ Shu'bah speacial islaami behnon<sup>1</sup> kay zariye ma'zoor islaami behnon mayn mulk-o-bayroon-e-mulk deeni kaamon ki dhumayn machana.
- ❖ Shu'abah dar-ul-Sunnah girls kay zariye ka`ee shehron mayn islaami behnon ko mukhtalif courses karwaana aur tanzeemi rehnuma` ee karna.
- ❖ Ghayr muslim khawateen par infiraadi koshish kar kay inhayn islaam qabool karnay ki da'wat dayna aur naw-muslim islaami behnon ko islaam ki bunyaadi batayn batana, aqa'id aur farz 'uloom kay hawalay say tarbiyat karna aur tabiyati course karwaana.

Is kay illawah **آنحضر اللہ** islaami behnon mayn 8 deeni kamon ka mazboot network bhi qa'im hay jis kay zariye dunya bhar mayn nayki ki da'wat aur buraa`ee say bachnay ki raghbत 'aam ki jaati hay.

---

<sup>1</sup> Is say muraad gungi, behri, naa-beena ya kisi jismaani ma'zuri ka shikaar khawateen hayn.

Zayl mayn islaami behnon kay 8 Madani kaamon ki kaar-kardagi mulahizah ki jiye:

<b>8 deeni kaamon ki kaar-kardagi ka ja` izah (jone 2022, mulk-o-bayroon-e-mulk)</b>					
Youmiyah 3 deeni kaam		Haftawaar 4 deeni kaam		Mahana 1 deeni kaam	
Infraadi koshish	Madani mahool say waabastah honay waali islaami behnayn: 7029	Haftawaar sunnaton bhara ijtimā'	Maqamaat: 13273 Awsatan shuraka': 422780	Nayk a'maal ka risalah	100684
Ghar dars	Madaris: 10510 Awsatan shuraka': 91627	'Ilaqa' ee dorah	35219		
Madrasa h-tul-Madinah Balighaat	Madani Muzakrah	127759			
		Risalah parhnay/sun-nay waliyan	1902011		

## Da'wat-e-Islami kay deeni kaamoon ka system ma' 12 deeni kaam



Insaan ruh-o-badn kay majmu'ay ka naam hay; jis tarah jism ko tawana rakhnay kay liye is ki khoraak ka layhaaz rakha jaata hay, is ki safā'ee suthra'ee ka khayaal kiya jaata hay aur isay 'ayb-daar honay say mehfooz banaya jaata hay, isi tarah ruh ko qouwi karnay kay liye is ki ghizah ka ahtimaam, pakeezgi ka intazaam aur daaghdaari say bacha'o ka intizaam karna parhta hay.

**Ruh ki zaruriyat aur deen-e-Islaam:** ruh ki is tamaam zaruriyat ko pura karnay kay liye deen-e-Islaam nay emaan aur achay a'maal ko zaroori qaraar diya hay aur yeh talqueen farma'ee hay keh "tamaam tar acha'iyon ki bunyaad emaan

Faizan-e-Da'wat-e-Islami

hay aur ruh ki khubsurati emaan kay ba'd nayk a'amaal say hi mumkin hay."

**Islaam Aur Da'wat-e-Islami:** Islaam kay is khubsurat payghaam ko saari duniya kay logon tak pohchanay kay liye 'Ashiqaan-e-Rasool ki deeni tehreek Da'wat-e-Islami ma'riz-e-wujood mayn aayi jo behtreen tareekhi khidmaat kay liye sargarm-e-'amal hay. Fard ki islah say lay kar mu'ashray ki islah bal-keh saari dunya kay logon ki islah ki koshish ka agenda apnanay waali yeh tehreek apnay zaberdaast system ki wajah say maqbool bhi hay aur kaamyaab bhi!

**Da'wat-e-Islami kay zayli halqay kay 12 deeni kaam** Da'wat-e-Islami nay apnay 'azeem Madani maqsad "Mujhay apni aur saari duniya kay logon ki islah ki koshish karni hay" ko hasil karnay kay liye youmiiyah, Haftawaar aur mahana 12 deeni kaamon ka aysa manshoor paysh kiya hay keh har musalmaan apni mu'ashi, khaandaani aur, mu'asharti masrufiyaat kay saath saath is manshoor ko zindagi ka hissah bana kar 'amal kay zariye apni ruh ko khubsurat kar sakta hay! 12 deeni kaamon ka mukhtasir ta'ruf mulahizah ki jiye.

#### Rozana kay 4 deeni kaam:

1. **Fajr kay liye jagana:** Din ka aaghaz hotay hi Da'wat-e-Islami kay deeni kaamon ka aaghaz ho jaata hay aur Sunnat-e-Nabawi par 'amal kartay huway musalmaanon ko namaaz-e-fajr kay liye jaganay ka silsilah hota hay, jisay "**Fajr kay liye jagana**" kaha jaata hay. ﷺ

mushahidah jahan yeh deeni kaam pabandi say ho raha ho wahan fajr kay namaziyon ki ta'daad 'amuman ziyadah hoti hay.

2. **Tafseer sun-nay sunanay ka halkah:** Qur'aan-e-Kareem say fayziyaab honay kay liye namaaz-e-fajr kay ba'd dars-e-Qur'aan ka silsilah hota hay jisay "**Tafseer sun-nay sunanay ka halkah**" kaha jaata hay. Jin masajid mayn yeh deeni kaam ra'ij hoota hay 'ajab rohaniyat ka samaan hoota hay aur musalmaan baray zouq-o-Shouq kay saath is halkay mayn shareek hootay hayn.
3. **Dars:** Firoogh-e-'Ilm-e-Deen kay liye rozana masajid mayn aur masajid kay bahaar kisi chouk waghayrah baa-ronaq maqaam par bhi (Faizan-e-Sunnat kay mukhtalif abwaab ya Ameer-e-Ahl-e-Sunnat دامت برکاتہم العالیۃ kay likhay huway makhsoos rasa'il say) dars diya jaata hay, is kay illawah ghar, school, college, University, Academy, madarsah-tul-Madinah. Jami'a-tul-Madinah waghayrah mayn bhi dars diya jaata hay, is deeni kaam ko "**Dars**" ka naam diya gaya hay. اللَّهُمَّ is deeni kaam ki bahut si madani baharayn hayn, isi dars ki wajah say ka'ee islaami bha'iyon ki zindagiyan mayn inqalaab aaya hay. Gunahon bhari zindagiyan say ta'ib ho kar naykiyon ki rah par gaamzan honay waalon ki ayk bari ta'daad isi deeni kaam ka samar hay.

4. **Madarsah-tul-Madinah Balighaan:** Bari 'umr kay islaami bha'iyon ko qawa'id-o-Tajweed kay saath Qur'aan Pak parhna sikhaaya jaata hay neez Sunnaton aur aadaab kay hawalay say zaberdast tabiyat ki jaati hay, isay "**Madarsah-tul-Madinah Balighaan**" ka naam diya gaya hay. Isi deeni kaam ki badolat bay shumaar islaami bhai na sirf Qur'aan-e-Pak ki ta'leem hasil kar chukay hayn bal-keh faizan-e-Qur'aan ki barkat say bahut say khush naseeb muballigh ban kar khidmat-e-deen mayn mashghool hayn. 2 laakh say za'id 'aashiqaan-e-Rasool tajweed kay saath mayn muft Qur'aan-e-Kareem seekhnay aur sikhaanay mayn masroof hayn.

### **Haftawaar 5 deeni kaam:**

5. **Haftawaar Ijtima'** 'Ashiqaan-e-Rasool ki qalbi-o-rohaani taskeen kay liye taqreeban har chootay baray shahayr mayn Namaaz-e-Maghrib ta Ishraaq-o-Chasht (3 nashiston mayn) Haftawaar ijtima' hota hay jis mayn tilawat na'at shareef, bayaan aur zikr-o-d'ua hoti hay. Is ijtima' mayn shirkat karnay waalon ko khouf-e-Khuda, dedaar-e-Mustafa, Du'aon ki qabuliyat, gunahon say tooba ki sa'adat milti hay.
6. **Haftawaar Madani Muzaakrah:** har haftay ko b'ad namaaz-e-isha musalmaanon ki shar'ee, Ikhlaaqi, Mu'asharti. Nazaryaati aur gharaylu mu'amlaat kay hawalay say Ameer-e-Ahl-e-Sunnat دامت برگایتھے العالیۃ say

suwalaat kiye jaatay hayn, Aap in kay hikmat bharay jawabaat ‘ata farmaatay hayn, is deeni kaam ko “**Haftawaar Madani Muzaakrah**” kaha jaata hay. Madani muzaakray ki barkat say bahut saaron ki bighri bani hay, gharaylu jhagray khatm huway hayn, bahut saaron ki ka’ee uljhanayn door ho’ee hayn.

7. **‘Ilaqa’ee Dorah:** Masjid kay atiraaf mayn ghar ghar, dukaan dukaan jaa kar gharon aur dukaanon mayn mojood aur rah mayn kharay huway, aanay jaanay waalay afraad ko nayki ki da’wat paysh ki jaati hay, isay “**‘Ilaqa’ee Dorah**” kaha jaata hay. Is deeni kaam ki barkat say sunnaton bhari zindagi say door bay-chayn zindagiyan guzaarnay waalay Dawat-e-Islami kay deeni mahool say wabastah ho jaatay hayn aur naykiyon ki barkat say in ki zindagiyan mayn sukoon kay lamhaat aanay lagtay hayn.
8. **Youm-e-Ta’theel A’atiqaaf:** New societies, shehayr kay mukhtalif ilaqon aur ga’on/dayhaat mayn nayki ki da’wat ‘aam karnay kay liye wahan ki masajid mayn chutti waalay din a’atiqaaf hota hay,jisay “**Youm-e-Ta’theel A’atiqaaf**” kehtay hayn. Is deeni kaam ki barkat say bhi ka’ee musalmaan panj waqtah namazi banay hayn, masjidayn aabaad ho’ee hayn, ka’ee loog apna waqt fuzuliyaat mayn guzaarnay kay baja’ay khidmat-e-deen mayn sarf karnay lagay hayn.

9. **Haftawaar Risalah Mutal'ah:** Deeni sha'oor-o-aagaahi kay liye Maktaba-tul-Madinah ka ko'ee risalah parhnay ya Audio risalah sun-nay ki haftawaar Madani Muzakray mayn targheeb dila'ee jaati hay jisay "**Haftawaar Risalah Mutal'ah**" kayhtay hayn. Is ki barkat say deeni sha'oor baydaar hota hay aur 'ilm-e-deen ki soorat mayn miraas-e-Nabawi ka khazanah hasil hoota hay.

### Mahanah 3 deeni kaam

10. **Nayk A'amaal:** logon ki rohaani tarbiyat aur zaati islah kay liye suwalaat ki soorat mayn ayk rislah murattab kiya gaya jis ko waqt-e-muqarrarah par rozanah pur kar kay apnay a'amaal ka ja'izah liya jaata hay aur har 'eeswi mah ki pehli tareekh ko baa-qa'idah zayli nighraan/shu'abay kay zimmayh-daraan ko jama' karwaaya jaata hay, is deeni kaam ko **Nayk A'amaal** kaha jaata hay. Is ki barkat say nayk a'amaal aur apni islah ki koshish karnay par istaqamat naseeb hoti hay.
11. **Madani Qaaflah:** 'Ilm-e-deen seekhnay, nayki ki da'wat 'aam karnay kay liye chand islaami bha'iyon ka mil kar kam az kam 3 din, 12 din, 1 mah ya phir 12 mah kay liye Allah Pak ka musafir ban-nay ko "**Madani Qaaflah**" kaha jaata hay. In Madani qaaflon ki barkat say masjidayn aabaad ho'ee hayn, laakhon bay-namazi, namazi banay hayn, hazaron kuffar musalmaan huway hayn.

12. **Madani Courses:** Musalmaanon ki 'ibadaat aur a'amaal ki mazaad behtree kay liye mukhtalif courses (maslan Faizan-e-Namaaz course, Madani Tarbiyati course, Islah-e-A'amaal course waghayrah) kara`ay jaatay hayn jisay "**Madani Courses**" ka naam diya gaya hay. In Madani courses kay zariye Akhlaaqi, mu'asharti aur shar'ee aadaab-o-masa'il aur tanzeemi tareeqa-e-kaar sikhaanay ki koshish ki jaati hay. Yeh courses karnay kay b'ad 'ashiqaan-e-Rasool mu'ashray mayn ayk baa-waqaar zindagi basr kartay hayn.

## 12 deeni kaamon ki kaar-kardagi ka ja`izah (june 2022 Pakistan)

Youmiyyah 5 Deeni kaam		Haftawaar 5 Deeni kaam		Mahana 2 Deeni kaam	
Fajr kay liye jagana	Zayli halqay: 23461 Awst shurka `: 50435	Haftawaar ijtima'	Maqamaat : 611 Awst shurka `: 163449	Madani qaaflah 3 din, 12 din, 1 mah	Madani Qaaflay: 3328 Awst shurka `: 23345
Masjid dars	73628	Youm-e-Ta'teel	13964	Nayk A'amaal	Taqseem: 175504

		a'atiqaaf		ka risalah	Wusool:10 6404
Chouk Dars	35541	Madani Muzaakr a	Maqamaat : 14719 Awst shurka` 124553	Note: yeh kaar- kardagi june 2022 aur sirf mulk-e-Pakistan ki hay.	
Tafseer sun-nay sunanay ka halqah	18724	Risalah parhnay sun-nay waalay	1821428	July say masjid dars aur chouk dars ko mila kar deeni kaam kar diya gaya hay jab- keh madani Courses ko mahana kaamon mayn shamil kar diya gaya hay.	
Madarsa h-tul- Madina balighan	Madari s: 41732 Awst shurka `: 220707	'Ilaqa` ee dorah	35045		

Faizan-e-Da'wat-e-Islami

Budh, 27 July,2020			Tanzeeemi halqah bandi khulasah (Subah wise)											
Zayli Halqay	Ward/ sab-sectore/ mozu'			Yusi/sectore			Tayhseel/ town/ zone			Metropolitian district			Divission	Subah/City
	kul	sab- sectore/ mozu'	Ward	kul	sectore	Yusi	kul	town/ zone	Tayhseel	total	district	Metropolitian		
3899	1108	0	1108	277	0	277	38	38	0	8	8	0	2	Karachi City (Sindh)
15175	6027	0	6027	1316	0	1316	117	17	100	23	22	1	6	Interior Sindh
3054	1373	0	1373	359	0	359	79	3	76	16	15	1	7	Balochistan
39327	5203	0	5203	4260	0	4260	173	38	135	44	36	8	9	Punjab
1126	274	118	156	113	87	26	5	5	0	0	0	0	0	Islamabad City
4496	2155	0	2155	457	0	457	55	5	50	13	12	1	7	Khyber Pakhtunkhwa
466	0	0	0	0	0	0	21	0	21	10	10	0	3	Gilgit- Baltistan
2075	385	0	385	200	0	200	33	0	33	10	10	0	3	Kashmir
69618	16525	118	16407	6982	87	6895	521	106	415	124	113	11	37	Pakistan Total

Note: Atiraaf 'ilaqaqay kay fehayt 41 District aur 1 Divission hay. KPK mayn 23 District, jab-keh bolochistan mayn 18 district aur 1 divission

### Da'wat-e-Islami Kay khidmat-e-Deen Kay shu'bajaat (Islaami bhai)

- (1) Shu'bah Addvisery board (Ifta maktab) (2) Darul Ifta Ahl-e- sunnat (3) Jami'a-tul- Madinah (4) Madrasah-tul-Madinah  
 (5) faizan Online Academy (6) Khuddaam-ul-Masajid-o-Madaris (7) shu'bah Madani courses (8) shu'bah Islah Bara-e-

qadiyaan (9) Aa'imah Masajid (10) Faizan weekend Islamic school (11) Al-Madinah-tul-'Ilmiyyah (12) shu'bah Oukaat Al-Salah (13) Al-Madinah Library (14) Shu'bah Faizan-e-Madinah (Madani Marakiz) (15) Dar-ul-Sunnah (16) Shu'bah Faizan-e-Islam (17) Shu'bah Bayn-ul-Aqwaaami umoor (18) Madrasah-tul-Madinah (Balighaan) (19) Shu'bah 'Atiyaat boxes (20) Shu'bah atiraaf 'ilaqay (21) Shu'bah Qafan Dafan (22) Shu'bah charm Qurbaani (23) Shu'bah Tahaffuz-e-ouraaq-e-muqaddasah (24) Shu'bah Madani Bastah (25) Shu'bah Ouraad-e-'Attariyyah (26) Shu'bah Ramazan A'atiqaaf (27) Shu'bah Hajj-o-'Umrah (28) Shu'bah Haftah waar Ijtima' (29) Shu'bah Madani Muzaakrah (30) Shu'bah 'Ushr (31) Shu'bah Taqseem-e-Rasa'il (32) Shu'bah Mehfil-e-Na'at (33) Shu'bah Ijtima` ee Qurbaani (34) New Soceities Department (35) Shu'bah Bara`ay Taffuz-e-Rizq (36) Shu'bah Langar-e-

Razwiyyah (37) H-R Department (ijarah) (38) Shu'bah Madani Chennel (39) Finance Department (40) Muktabatul Madinah (41) Translation Department (42) IT Department (43) Shu'bah Asasah jaat (44) Shu'bah ta'miraat (45) Darul Madinah Islamic School/College (46) Darul Madinah University (47) Marketing Department (48) Faizan Education Network (49) Faizan Rehabilitation Center (50) Social Media Department (51) Research Training & Development (R&D) (52) Legal Aid Department (53) Welfare Department (54) Plantation Department (55) Language Department (56) Public Relations Management (PRM) (57) Data Analytics Department (58) sehra`ay Madinah Department (59) Security Department (60) Shu'bah Madani Qaifalah (61) Shu'bah Islah-e-A'amaal (62) Shu'bah Ta'leem (63) Special Persons Department (64)

Raabtah bara`ay Shakhsiyat (65) Shu`bah bara`ay Wuqla` (66)  
Raabtah bara`ay Transport Department (67) Raabtah bara`ay  
Medical Department (68) Raabtah bara`ay Homeopathic  
Department (69) Raabtah bara`ay Agriculture and Livestock  
Department (70) Shu`bah bara`ay Hakeem (71) Raabtah  
bara`ay Showbiz Department (72) Shu`bah Raabtah bara`ay  
Tajiraan (73) Shu`bah Raabtah bara`ay Awqaf (74) Shu`bah  
Raabtah bara`ay 'Ulamah (75) Shu`bah Mazaraat-e-Awliyya`  
(76) Media Department (Broadcasting, Mediacell) (77) Faizan-  
e-Murshid Department (78) Raabtah bara`ay Sports (Sports)  
Department (79) Shu`bah Izdiyad-e-Hub (80) Professionals  
Department (81) Shu`bah mu'awnat bara`ay Islami behnayn.

**Da'wat-e-Islami Kay khidmat-e-Deen Kay shu'bajaat  
(Islaami bhehnayn)**

(1) Shu`bah Jami'at-ul-Madinah Girls (2) Shu`bah Madrasat-  
ul-Madinah Girls (3) Faizan Online Academy Girls

Department (4) Shu'bah Dar-ul-Sunnah Girls (5) Shu'bah Faizan-e-Islam (6) Shu'bah Short Courses (7) International Affairs Department (8) Madrasatul-Madinah Balighaat (zayli Shu'bah: Shu'bah Courses, Shu'bah Muftishaat) (9) Shu'bah 'Atiyaat Boxes (10) Shu'bah Kafan Dafan (11) Shu'bah Rohani Ilaj (12) Shu'bah Taqseem Rasa'il (13) Shu'bah Hajj-o-Umrah (14) Shu'bah Haftah waar Ijtima' (15) Shu'bah Madani Muzaakrah (16) Shu'bah Mahfil-e-Na'at (17) Shu'bah Mahana Division Madani halqah (18) H-R Department (Ijara) (zayli Shu'bayh: Tibbi ilaj, Test Majlis) (19) Finance Department (20) Darul Madinah Girls (21) Shu'bah of Makbatu Al-Madinah (Islami behnayn) (Zayli Shu'bayh Mahnamah Faizan-e-Madinah, Shab-o-rooz) (22) Shu'bah Madani Dorah-o-Maharim (23) Shu'bah Ta'leem (24) Special Persons Department (25) Shu'bah Izdiyad-e-Hub (26) Shu'bah Islah-e-a'amaal (27) Shu'bah Raabtah (28) Faizan-e-Murshid Department.

**Dawat-e-Islami kay khidmat-e-Deen kay chand Shu'bajaat  
ma' salaana kaar-kardagi ka taqaabli ja`izah**

**(September 2021 ta August 2022 ka mutabiq)**

اَللّٰهُمَّ! 'Aashiqaan-e-Rasool ki deeni tehreek Dawat-e-Islami duniya bhar mayn 80 say za'id shu'bahjaat mayn deen-e-mateen ki khidmat kay liye koshaan hay, jis ki madani

Faizan-e-Da'wat-e-Islami

baharayn news website (Dawat-e-Islami kay shab-o-rooz), Madani Chennal, mahana Faizan-e-Madinah aur maktaba-tul-Madinah (Dawat-e-Islami) kay kutb-o-rasa'il kay zariye Aap tak pohonchti rayhti hayn. Guzishta 1 saal ki chand shu'abon ki kaar-kardaagi mulahizah ki jiye.

<b>Majlis/Shu'bah</b>	<b>September 2021</b>	<b>August 2022</b>
Jami'a-tul-Madinah(lilbaneen-o-lilbanaat)	891	1247
Talbah-o-Talibaat Jami'a-tul-Madinah	65 hazaar 866	96 hazaar 921
Farigh-o-tehseel Talbah-o-Talibaat	13 hazaar 455	19 hazaar 501
Faizan Online Academy branches	42	47
Faizan Online Academy say courses karnay waalay	18 hazaar 691	26 hazaar 843
Bachon aur bachiyon kay Madaris-ul-Madinah	4225	5947
Talbah-o-Talibaat	1 laakh 97 hazaar	2 laakh 62 hazaar

Faizan-e-Da'wat-e-Islami

Madaris-ul-Madinah	12	112
Naazrah mukammal karnay waalay Talbah-o-Talibaat	2 laakh 94 hazaar 307	3 laakh 38 hazaar 998
Huffaz Talbah-o-Talibaat	92 hazaar 47	1 laakh 942
Madrasah-tul-Madinah (Balighaan-o-Bhalighaat)	34 hazaar 441	41 hazaar 732
Talbah-o-Talibaat Madaris-ul-Madinah baaligheen	1 laakh 96 hazaar 935	2 laakh 20 hazaar 707
Deen-e-islaam ki khidmat mayn aap bhi Dawat-e-Islami ka saath dijiye aur apni zakaat, sadqaat-e-wajibah-o-naafilah aur digar 'atiyaat (Donations) kay zariye maali ta'wun ki jiye! Aap ka chandah kisi bhi ja'iz deeni, islaahi, falahi, rohaani, khayr khuwahi aur bhala`ee kay kaamoon mayn kharch kiya jaa sakta hay.		
Bank ka naam MCB Account Tiltle: DAWAT-E-ISLAMI TRUST Bank Branch: MCB AL-HILAL SOCIETY, Branch Code: 0037 Account Number: (Sadqaat-e-Naafilah) 0859491901004196 Account Number: (Sadqaat-e-Wajibah aur		

## Da'wat-e-Islami ki Mukhtalif idaaron ki jaanib say tayhseen

Da'wat-e-Islami ayk 'aalamgheer tehreek hay jis ka maqsad durust islaami ta'limate ko duniya bhar mayn pohchana hay. Apnay is maqsad kay liye Da'wat-e-Islami nay pur aman, islaahi, Maslihati aur bahmi ham-ahangi ka raastah apnaya hay. Allah Kareem kay fazl say Da'wat-e-Islami apnay ikhlaas, dard-e-ummatt aur jazbah asha'at-e-deen-e-Mustafa kay sabab duniya bhar mayn pohonch chuki hay.

Da'wat-e-Islami deeni ta'limate ki asha'at kay saath saath falaahi khidmaat mayn bhi paysh paysh hay. **الْحَمْدُ لِلّٰهِ** kaseer mumalik mayn sarkaari satah par bhi Da'wat-e-Islami ko mukhtalif mumalik ki tarf say bilkhusoos hukumat-e-Pakistan ki tarf say pazay-raa`ee mili hay, is silsilay mayn sata`ishi khutoot, certificates, awards aur shields kay zariye Da'wat-e-Islami ki deeni aur falahi khidmaat ko saraha gaya.

- ❖ 3 june 2021 ko saabqah Opposition leader bara`ay sanet Yousuf Raza Ghelani nay parliament house Islamabad say Da'wat-e-Islami kay shu`ba FGRF ki falahi sargarmiyon (rashan, naqd raqm taqseem karnay aur Thelisimia kay marizon kay liye 53000 Blood bags jama' karany) par ayk khat jaari kartay huway kaha keh mayn is baat ka izhaar karna chahta hun keh Da'wat-e-Islami ayk 'aalami ghayr

siyasi tanzeem hay jo puri duniya mayn Qur'aan-o-Sunnat ki tableegh kay liye kaam kar rahi hay aur musalmaanon mayn Qur'aan kareem say muhabbat aur is kay ahkaam par 'amal karnay ka jazbah bhi payda kar rahi hay.

Dusri tarf Da'wat-e-Islami ka ayk zayli shu'bah hay jo duniya bhar mayn indaadi sargarmiyan anjaam daytay huway kamzoor khaan-daanon mayn khaanay ki ashya` ki taqseem-kaari, naqd imdaad aur khaas toor par thelisimia kay marizon kay liye khoon ki bottles ka bandobast karnay kay hawalay say ghayr ma'muli kaam bhi kar raha hay. Allah Pak Da'wat-e-Islami ki Qur'aan-e-Kareem ki khidmaat ko qabool fama`ay.

أَمِينٌ بِحَجَّةِ النَّبِيِّ الْأَمِينِ حَلَّ اللَّهُ عَلَيْهِ وَآلِهِ وَسَلَّمَ

- ❖ 17 august 2020 ko hukumat-e-Pakistan ki janib say dawat-eislami Kay Naam ayk ta'reefi khat jaari Kiya gaya jis mayn kaha gaya: dawat-eislami ayk geer siyasi tanzeem hay jo qudrati aafaat Kay doran numaya kirdar ada Karti rahi hay. Waba Kay doran khidmaat kabil sata'ish hayn zarorat Kay waqt gareeb logon Kay Liye Rashan packages naqd 'atiya aur thelesimia Kay mareezon Kay Liye khon ka 'atiyah ayk buhut bara ta'wun tha logon ki behtri Kay Liye Da'wat-e-Islami ka aysa kirdar waba`ee amraaz Kay doran waqt ki ayhaym zarorat thi aur hukumat iska a'atiraaf Karti hay.

- ❖ Corona virus say muta'sireen thelisimia-o-digar Amraaz Kay marizon ko khon ki farhami aur Barish zada ilaqon mayn laazmi khidmat anjaam denay par octuber 2020 mayn sadar-e-Pakistan wazeer-e-aala Punjab ki janib say governor house mayn Da'wat-e-Islami ko "**Shan-e-Pakistan**" award paysh Kiya gaya.
- ❖ 25 February 2013 mayn Dawat-e-Islami ko wafaqi wazarat-e-ta'leem Pakistan ki janib say ayk tasdeeki khat (confirmation letter) jari Kiya gaya jis mayn kaha gaya wazarat-e-ta'leem-o-tarbiyat is baat ki tasdeeq Karti hay Kay Da'wat-e-Islami Quran-o-sunnat ki sab say bari mazhabi gayr siyasi tableegi aur pur aman tahreeq hay jo puri duniya mayn kaam kar Rahi hay Da'wat-e-Islami kirdaar saazi Kay zariye Islam ki tableegh par pukhtah yaqeen rakhti hay.
- ❖ Zindagi Kay deegar Ka'ee shu'bon ki tarhan Da'wat-e-Islami bhi apnay taleemi plat farms jesay Dar-ul-Madinah (schooling system )Kay zariye mayari ta'leem faraham karnay mayn buhut bara kirdaar ada kar Rahi hay.
- ❖ Isliye wazarat ta'leem-o-tarbiyat na sirf mu'ashray Kay Liye Da'wat-e-Islami ki sehayt mand aur musbat shurkaat ko sarahti hay balkeh mukammal himayat ka izhar Karti hay aur Da'wat-e-Islami ki qamiyaabi Kay Liye Dua go hay.

- ❖ In kay illawah 12 April 2018 ko wazarat-e-umoor Kashmir-o-gilgit baltistan ki janib say 11 January 2016 ko wazarat-e-mazhabi umoor Pakistan ki janib say, 11 January ko wazarat-e-umoor zakat-o-ushar Pakistan ki janib say aur 2 June 2021 ko wazarat-e-khaarjah ki janib say Da'wat-e-Islami kay liye ta'reefi qalmaat par mushtamil khutoot mayn kaha gaya hay Kay Da'wat-e-Islami kabhi bhi Kisi qism ki riyasat mukhalif ya dayhshat gardaana sar garmiyon mayn mulawwis nahi Pa'i ga'ee.

### Ameer-e-Ahl-e-Sunnat ka payghaam Da'wat-e-Islami waalon kay naam

نَحْمَدُهُ وَنُصَلِّيْ وَنُسَلِّمُ عَلَى رَسُولِهِ الْبَيْتِ الْكَرِيمِ

Saag-e-Madina Muhamad Ilyas Attar Qadri rizwi عَنْ عَنْهُ ki janib say Markazi Majlis-e-Shura Kay arakeen, Zimadaraan-e-Da'wat-e-Islami!<sup>1</sup>

السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

---

<sup>1</sup> Shaykh-e-Tariqat, Ameer-e-Ahl-e-Sunnat Hazrat 'Allamah Moulana Abu Bilal Muhammad Ilyas 'Attar Qadiri دَاعِثٌ بِرَكَاتُهُ الْعَالِيَةِ nay 1439 hijri mayn hajj mubarak ki sa'dat paanay kay b'ad yeh payghaam jaari kiya tha, mozu' ki ahmiyat kay paysh-e-nazar khususi risalayh mayn bhi shamil kiya ja raha hay. Office "Mahnamah Faizan-e-Madinah"

Mayray piyaray madani bayton aur Madani baytiyon jo deeni kamon ki dhumayn machatay hayn mayn apnay andar un Kay Liye buhut achay jazbat paata hon Ya Allah! jo Madani baytay 12 deeni kamon aur Madani baytiyan 8 deeni kamon Kay Liye ko-Shaan rehtay, hayn nayk A'amaal risalay Kay mutabiq Zindagi guzarnay ki koshishayn kartay hayn in Sab ko bay hisaab maghfirat sat masharraf farma day aur Ay Allah! in ko baar baar hajji ki Sa'dat naseeb kar day, إِلَهُ الْحَمْدُ لَهُ Da'wat-e-Islami Kay is baag ko phalta phoolta Madinay ki sada Bahaar phulon Kay sadqay sada Bahaar kar day aur yeh Da'wat-e-Islami jab tak muslaman baaqi rahayn deeni kaamon ki dhoom machati rahay. Madina Munawwarah زَادَهُ اللَّهُ شَرْفًا وَّ تَعْظِيْمًا say ab rukhsat ki ghariyan aarahi hayn, Allah Pak ham Sab ko baar baar hajj naseeb karay baar baar Mitha Mitha Madina dikha`ay Aap sab ko aur mujhay bay hisaab bakhshay, Allah Kareem mayray aur tamam hajjiyon Kay hajj ko mabroor farma`ay, Madinah Pak ki haazri ko maqbool farma`ay, Aameen. Meherbaani kar Kay Da'wat-e-Islami ka khoob deeni kaam kartay rahayn nayk A'amaal risalay Kay mutabiq Zindagi guzarayn إِنَّ شَأْنَاللَّهِ nayk muttaqi parhazy gaar banayn gay.

Jami'at-ul-Madinah Lilbaneen Madaris-ul-Madina Lilbaneen Kay asatizah-e-Kiram, talbah-e-Kiram, Nazimeen, jaama'aat-ul-Madinah Lilbanaat, Madaris-ul-Madinaa lilbanaat ki Mudarrisat, nazimaat. Talibaat, Darul ifta` Ahl-e-Sunnat Kay muftiyaan-e-Kiram aur tamaam majalis Kay jo bhi zimedaraan hayn, wabastigaan hayn, Allah Pak Sab par rehmat ka nuzool

farma`ay, Aap Sab Da'wat-e-Islami ko lay kar chaltay rahayn aur agay say agay barhatay rahayn deen ki khidmaton mayn Barh charh kar hissah Layn, jin jin say ban paray Madani muzakrah zaroor suna karayn.

Haftawaar sunnaton bharay ijtim'a' ki pabandi buhut zarori hay Da'wat-e-Islami Kay awwaleen kamon mayn say hay bal-keh isay sab say pehla deeni kaam kaha jaye to is mayn ko`ee harj nahin hay, Yun samjhiye Keh haftawaar sunnaton bharay ijtim'a' Kay zariye hi duniya bhar mayn deeni kaam ahista ahista 'aam huwa madani Qaflay to zahir hay deeni kamon ki reer ki haddi hayn is Kay baghayr bhi guzara nahin layhaza Sab madani Qaafalon mayn safar kartay rahayn. Jo jitna deeni kaam ziyadah karta hay bas Yun samjho Kay Mayri is kay saath muhabbat ziyadah hay, deeni kaam mayn goya hamari hayaat hay warna samjho Kay hamaari moat hay agar ham deeni kaam chor kar 'arbon kharbon pati ban jayen to hamari Zindagi bilkul baykaar hay jab-keh deen ki khidmat is mayn shamil naa rahay, Allah Kareem aakhiri sans tak ham say deen ki khidmat layta rahay Allah Pak aap Sab ko Jannat-ul-firdous mayn apnay piyaray Habeeb ﷺ ka paroos naseeb farma`ay yeh saari du'aen aap Sab Kay sadqay mujh gunahgaar Kay sardaar aur Mayri aal Kay Haq mayn bhi qabool karay.

أَمِينٌ بِحَجَّةِ النَّبِيِّ الْأَمِينِ صَلَّى اللَّهُ عَلَيْهِ وَسَلَّمَ

Mayn wasiyat karta hon keh Da'wat-e-Islami ki **Markazi Majlis-e-Shura** jab tak shari'at Kay khilaaf hukm na day us ki ata'at kartay rahayn, ata'at kartay rahayn, aur bas in Kay ma tahayt Rayh kar deeni kamon ki dhoom machatay rahayn. donon jahaan<sup>1</sup> mayn bayra paar ho ga.

### Da'wat-e-Islami ka kiya ho ga!

Shaykh-e-Tareeqat Ameer-e-Ahl-e-Sunnat Hazrat Allamah Moulana Abu Bilal Muhammad Ilyas Attar Qadiri دامت برکاتہم العالیہ Say Suwal<sup>1</sup> huwa Kuch log kayhtay hayn: jab tak Aap (Yani Ameer-e-Ahl-e-Sunnat) mojood hayn tab tak Dawat-e-Islami chalti rahay gi, is Kay bad nighraan sahiba'an aur Arakeen e Shura Wagherah sab bikhar jayen gay aur phir na jaanay kiya hoga! Is ki kiya haqeeqat hay?

Aap Nay jawaab mayn farmaya: ba'az loog yeh sanajhtay hayn keh mayray marnay Kay bad dawat-e-Islami khatm ho jaye gi, aysa nahin hoga. لَا يَحْمِدُ بِلَهٗ mayn nay apni oulaad aur tamaam Da'wat-e-Islami waalon ko markazi majlis-e-shura ki ata'at karnay ki takeed ki hay aur baarha madani muzaakron mayn aur bari raaton ki ijtim'aat mayn yeh aalaan bhi kiye hayn keh ham nay Dawat-e-Islami mayn markazi majlis-e-shura kay ma tehayt rayh kar hi deeni kaam karna hay, marakazi majlis-e-shura ki mukhaalfat nahin karni.

---

<sup>1</sup> Yeh suwaal 15 Sh'abaan-ul-Mu'azzam 1440 hijri ba-mutabiq 20 April 2019 ko honay waalay madani muzaakray mayn kiya gaya tha.

Da'wat-e-Islami ko`ee dukaan ya tarkah (y'ani wirasat) nahn jo mayray marnay kay b'ad mayri oulaad mayn taqseem ho ga bal-keh Da'wat-e-Islami mayn jo kaam karay ga is ko salam hay. Allah kay fazl-o-karam say markazi majlis-e-shura kaam kar rahi hay aur yeh karti rahay gi. Marna sab ko hay agar kisi kay intaqaal say deen ka kaam ruk jaata to hasti keh jin ki badolat hamayn islaam mila y'ani hamaaray Makki Madani Aaqa صلَّى اللَّهُ عَلَيْهِ وَسَلَّمَ kay zahiri pardah farmaanay par zaroor ruk jaata magar is kay bawajood deen ka kaam nahn ruka to Ilyas Qadiri kis hisaab mayn hay! Is kay marnay say kiya hota hay! Jo mayray liye deen ka kaam karta hay aaj hi say is ko khuda hafiz! Aur jo Allah kay liye deen ka kaam karta hay wo aaj bhi karay aur mayray marnay kay b'ad bhi karay, yeh naa sochay keh Ilyas Qadiri chala jaye ga to yun ho jaye ga ya Ilyas Qadiri kay b'ad kiya hogा? Yeh sab shaytaani waswasay hayn in say ham sab ko bachna chahiye. Jeetay ji bhi to kuch ho sakta hay, aysi ka`ee tehreekayn hooti hayn keh jin kay qa`ideen zindah aur sehayt mand hootay hayn magar in ki tehreekayn khatm ho jaati hayn. Ba-har haal yeh mayri wasiyat hay keh mayray marnay kay b'ad bhi aap nay Da'wat-e-Islami ki markazi majlis-e-shura ko hi fouqiyat dayni hay, yeh jis tarah chahay us hi tarah Da'wat-e-Islami kay zariye deen ki khidmat karni hay, markazi majlis-e-shura say kabhi bhi ghaddari nahn karni aur jo markazi majlis-e-shura ki mukhaalfat karay us ka saath bhi nahn dayna hay. Allah Pak kha`ineen ki nazr-e-bad say mayri Da'wat-e-Islami ko, mayray Da'wat-e-Islami waalon ko aur mayri laadli markazi majlis-e-

Faizan-e-Da'wat-e-Islami

shura ko mehfooz rakhay aur in sab ko ikhlaas kay saath deen  
ki khoob khidmat karnay ki sa'adat bakhshay.

أَمِينٌ بِجَاهِ الَّتِي أَمِينٌ صَلَّى اللَّهُ عَلَيْهِ وَسَلَّمَ

*Allah karam aysa karay tujh pay jahan may  
Ay Da'wat-e-Islami tayri dhoom machi ho*

# DAWAT-E-ISLAMI DAY

## 2ND SEPTEMBER 2022

### QURANIC SPRINGTIME AND PROPHETIC SUNNAH

with Dawat-e-Islami

#ILOVEDAWATEISLAMI  
#DAWATEISLAMIDAY

**DAWATE ISLAMI**  
[www.dawateislami.net](http://www.dawateislami.net)

Aalami Madani Markaz, Faizan-e-Madinah, Mahallah Saudagaran  
Purani Sabzi Mandi, Bab-ul-Madinah, Karachi, Pakistan

UAN: +92 21 111 25 26 92 | Ext: 7213

Web: [www.maktabatulmadinah.com](http://www.maktabatulmadinah.com) | E-mail: [feedback@maktabatulmadinah.com](mailto:feedback@maktabatulmadinah.com)